

I CITONDEZYO

 I kubala kwa Ijwi. Ku kujala kuswaangana, kaambo Nee mulomba kwii mikila... Cindi ba lizya *The Star-Spangled Banner*, mula imikila. Sa tamuciti? [Mbunga yaamba, "Iiyi."—Mul.] Mpawo nkaambonzi kutali ku Ijwi lya Leza? Bwalo mbulemu. Lino omuya mu Bbuku lya Kulonga, cipati 12, kutalikila kampango ka 12, Ndi yanda kubala cibeela ca Lugwalo, kampango ka 12 aka 13.

Nkambo Njo inda mu nyika ya Egepita masiku aya, a kuuma... i mwana mutaanzi kuzyalwa mu nyika ya—ya Egepita, muntu a munyama; alimwi... yaku cita lubeta: Ndime Mwami.

Alimwi bulowa buyooba kuli ndinywe ku citondezyo atala aa ng'anda oko nko mubede; alimwi cindi Nda bona bulowa, Nda mwiindilila, nkabela cipenzyo tacikabi ali ndinywe ku munyonyoona, cindi Nda uma nyika ya Egepita.

² Ciiyo cangu ncakuti: *I Citondezyo*.

³ Atu kotamike mitwe yesu eno. Elyo mu butontozi Bwakwe bwa ciindi eci cisetekene, kakutaninga kuboola kuli Nguwe mu mupailo, sa kuli nkumbizyo eyo njo yanda kuli Leza kuti avviile masikati aya? Konyamuna buyo maanza ako ikuti na ula cita, a kuyeyya kunsi lya moyo wako eco ncoyanda Nguwe kuti acite. Kuli koonse mu buyake, koyeeya buyo eco neo yandila Nguwe kuti acite.

⁴ Taata wesu Wakujulu, Nduwe Leza uutacinci, elyo twa lomba kuti Wi ingule mipailo yesu, aya maskati, mbuli-mbuli mbo tujatilede maanza esu. Elyo Ula bona kuti maanza esu ali nyamwidwe, alo. Elyo nkumbizyo yangu, Njo izibya cantangalala, nkuti, Mwami, kuti Ula ponya muntu onse omuno sunu, kufutula muntu onse usweekede. Lino, Wa kati, "Ikuti na mwalomba Taata cili coonse, mu Zina Lyangu, Njo cicita." Lino, Mwami, kotu gwasya antomwe kusyoma mbuli cintu comwe ca bantu, ca bana basyoma. Kanana kwiinda mu Ijwi Lyako, Mwami. Ijwi Lyako Mbwini. Longezya myoyo yesu.

⁵ Twa Ku lumba ku muswaangano oyu. Twa Ku lumba ku Mukwesu Grant, a kuli boonse babelesi bakwe, a oonse mambungano a bantu. Alimwi kuli koonse Nko katucitila, Mwami, tuli lumbide kuli Nduwe. Taata, inga kakuli bunji bwesu awa bata kabonani alubo lino, kusikila tu kabone ku lubazu lumbi. Oku inga kwaba kuswaangana kwa mamanino cakuti tuyoo kkala antoomwe mu nyika eyi. Akube kuti Muuya Uusalala uboole a kutu longezya antoomwe, kukutauka kuli ndiswe kubula kwesu. Mu Zina lya Jesu twa lomba. Ameni.

Inga mwa kkala.

⁶ Ndi jisi kabeela kaniini ka pepa awa, Nda lemba Magwalo amwi a zintu ziniini. Kwakali kunga Nda kalikukonzya ku luyeyya mu mizeeza yangu, pele Nda kazwaa kwinda makumi obilo ayosanwe, nywebo mulizi, nkuti, ciindi cabili. Elyo mpawo Nse ciibaluki mbuli Mbwe kali kucita, a zinji loko zinjilene mu miswaangano a zintu, a zinji loko zya kucita.

⁷ Ciiyo cesu masikati aya nca: *I Citondezyo*. Cilao esu cijula mu Egepita. Calo cifwanikiso cipati awa lino, Ndi yanda kuti nyonse mu cibone a kubatama buyo mbuli mbo mukonzya. Egepita mbusena bwa cilao, a ciindi ca cilao cili nkoonya kumatalikilo a kulonga.

⁸ Elyo, lino, calo ncikozyano casunu, tondezegwa, akwalo mbuli mbo tulanganya kulonga kumbi. Leza kagusya Israyeli kuzwa mu Egepita, kuya ku nyika ya cisymezyo, cakali cikonzyano ca Kristo kagusya Nabwiinga kuzwa mu mbungano, kuya ku Nyika ya cisymezyo. Tuli mu kulonga kumbi. Lino ikuti na muyo langisya Lugwalo, tu jisi buyo ciindi ca kuuma zibeeda zipati zya ncico, obo mbwini. Tuli i... Mbuli Leza kagusya cisi kuzwa mu cisi, Leza uyo gusya Nabwiinga kuzwa mu mbungano. I Nabwiinga uyo itwa kuzwa ku mambungano oonse. Uyo salwa aa Leza, uyo gusugwa. Elyo tuli munsi loko lya kooko kulanga ndyoonya lino, nkambo tuli jisi cizibyo Camalembe kuti twiimvwi awa. Lino, Ndi lizi kuti oko kwa kaambwa ziindi zinji, pele, mweenzuma wangu, ciindi cimwi ciyo ambwa kwa ciindi camamanino. Ciindi ciyo yabaalila mu Butamani mpawo. Ula boola kuzo gusya Nabwiinga kuzwa mu mbungano.

⁹ I citondezyo cakali cintu caka bamba lwandaano akati ka Egepita a Israyeli, masi obilo. Boonse bakali bantunsi, pele boonse bakalengwa aa Leza, yoonse milimo ya maanza aa Leza, pele, lwandaano ncindi cisubulo ca lufu ni caka inzigwa, lwandaano akati ka buumi a lufu kwakali citondezyo.

¹⁰ Elyo mbubonya mbo ciya kuba ku kuboola kwa Mwana wa Leza, cindi Aku kugusya Nabwiinga kuzwa mu mbungano, lwandaano luyooba Citondezyo. Lino,amu swiilile kabotu masikati aya, a kubona na eco tacili cakasimpe. I Citondezyo ciyooba lwandaano. Ku leelede kuba lwandaano.

¹¹ Leza uyo beteka inyika, buzubabumwi. Ikuti na Nda kabuzya bantu ba Katolika, nguni Ngwaya kubeteka, ino inyika Uyo ibetesya nzi? Inga batii, "mbungano." Mbungano nzi? "I mbungano ya Katolika." Ili mbungano ya Katolika, kuli zimwi zisyoonto? Iba Methodisti inga batii, "ku Methodisti," ba Baptisti mpawo bali zwide kuli ncico. Mpawo, ikuti na waibetesya a mbungano ya Baptisti, zyoonse zimwi zyayo zili zwidwe. Iba Pentekoste balati, "ku Pentekoste," mpawo zimwi zyayo zili zwide. Mwabona, inga lwaba lupypyonganoo, lupypyonganoo

lunji loko, kunyonganya loko ku mizeezo, kuyeeya cintu cili boobo.

¹² Pele Leza wakali jisi nzila awa Nja kaamba kuti Uyo beteka nyika, kutali ku mbungano ya Katolika, kutali kubelesya mbungano ya protestanti. Pele Uyo beteka inyika kubelesya Jesu Kristo, alimwi Jesu ndi Ijwi, aboobo nceeco capilukila ku Bbaibbele alubo. Mwabona? Uyo beteka inyika kubelesya Bbaibbele. Elyo Bbaibbele ndi Bbuku lya lubeta ilya Leza, lili nciyubunuzyo cimaninide ca Jesu Kristo, nkabela taakwe cimbi cikonzya kuyingizigwa na cili conse kugusigwa kuli Ndilyo; cisubulo ca kucicita, ncakuti zina lyako lilazwa mu Bbuku lya Buumi. Kokkala buyo moonya mu Bbuku, a kulomba Leza kutu bamba kuba cibela ca Ndilyo.

¹³ Lino tula jana, citondezyo, ncini citondezyo? Ii citondezyo ncizibyo ca muulo wakabbadelwa, mbo cibede citondezyo. Mboli buyo nzila zyesu zya zitima a mabbaasi, tula tola mali esu a kuya ku citishini. Lino, mwabona, nzila ya bbaasi tai zumizigwi, mu masena oko zitondezyo nko zibelesegwa, ta zumizigwi kubweza mali. Taba konzyi kubweza mali, citola citondezyo; kwaamba, ndeke, kufumbwa zimbi. Ula unka ku busena bumwi, ku kkaunta ya kuulila, a kuula, kuzwa ku mali ako, zitondezyo zinji loko, eco citondezyo cimwi. Elyo eci citondezyo ncizibyo cakuti mali alweendo lwako abbadelawa. Uli jisi nguzu zya kutanta bwaato, kutanta ndeke, kutanta bbaasi, na kufumbwa mbo cibede, kufumbwa kuti uli jisi citondezyo cakuzibya kuti lwako—kuti musinzo wako wabbadelelwa. Lino amu ciyeeye eco. Muta cilubi.

¹⁴ Kabelele ka Israyeli kakajaigwa kakali i . . . cakali ceelelo ca Leza. Jehova wakali kuyanda kabelele kakajaigwa, ciiminizyo citakwe kampenda. Mboli mbo twa kainda mu mvwiki yakainda kusika lino, kuti Leza, cindi Na kapanga kusala, Ta kucinci pe. Elyo Wa kapanga nzila, cintu Cakwe citaanzi Nca kacita cindi muntu nakawa, Wa kacita ku mubambila nzila ya kupilukila, ikuti na Wa kasola kuyanda ku munununa, elyo Wa kapanga kusala kuteeti Wa kafutula muntu ku Bulowa bwa Umwi utakwe kampenda. Elyo Wa kacita cintu nciconya kwalyoonse. Ta kasola kucincina. Taakwe busena Leza mpaya kusola kuswaana mukombi umwi, citabiyo kunsi lya Bulowa. Obo mbo busena Bwakwe bulikke.

¹⁵ Tu sola ku Mu swaana kunsi lya lwiyo lwesu lwabukombi, kunsi lya kabungwe kesu, kunsi lya mabambe esu aalwiiyo. Bamwi bakayaka ngazi a bamwi bakayaka miinzi, Babuloni a—a ngazi ya Babelo, a yoonse misyobo yaandeene ya zintu. Pele icili mbubonya, Leza uswaana biyo mukombi wakasimpe kunsi lya Bulowa. Tana kwiicinca. Toonse tatu konzyi kuba ba Methodisti, toonse tatu konzyi kuba ba Pentekoste, toonse tatu konzyi kuba *eci, eco, na cimbi*, tuyu impana. Pele cindi Nda sika ku muntu, abe mupaizi wa Katolika na kufumbwa mbwabede, cindi anooli

kunsi lya Bulowa obo tuli babunyina, kwiina makani mpabede, kufumbwa kuti kali kunsi lya Bulowa obo.

¹⁶ Lino, kabelele kakajaigwa ka Israyeli kakali ceelelo ca Jehova, alimwi bulowa bwakali citondezyo cakuti ncito yaka citwa. Leza wakayandila lununuko, kuzwa ku Egepita, kuya ku nyika ya kasyomezegwa, Wa kayanda munyama wakajaigwa. Elyo eyo munyama wa keelede ku... I bulowa bwa munyama wakafwa bwa keelede kubikkwa aa musende alimwi aa mulyango nkabela bwa kaiminina citondezyo kuti cintu eco Jehova ncakali kuyanda caka zulizigwa. Mwabona? Lino, kutali kabelele kuti cakali citondezyo, bulowa cakali citondezyo. Lino, buumi bwakazwa ku cituuzyo, elyo lino bulowa bwakali citondezyo. Malailile Aakwe akacitwa. I bulowa bwakaiminina citondezyo, cizibyo kuti oyu musyomi wakacita mbubonya obo ceelelo mbo cakabede. Eco kali citondezyo. Yaa, mu kubona musyomi, kakomba, mpawo wakalizibya a cituuzyo cakwe. Mwabona?

¹⁷ *Njeeyi ng'anda, a mukombi, cakali ceelelo nzi?* “Amujaye kabelele. Aa buzuba bwa kbumiaone ka kabikkwa atala, ii—ii kajembwe katakwe kampenda, boonse ba Israyeli bayo kajaya, elyo bulowa buyo tolwa antoomwe a hisopo a kubikka atala lya musende wa mulyango.”

¹⁸ Elyo, akwalo, eyo hisopo bwakali bwizu buyo bwalyonse. *Hisopo* caamba “lusyomo lwako.” Muntuumwi usola kuba a lusyomo lwiindakugambya, ako nke kaambo ula kwiimpya kuponesegwa kwako. Lusyomo ncintu buyo calyonse. Uli jisi lusyomo lwa kusika ku mbungano. Uli jisi lusyomo lwa kweenda kuya okuya. Uli jisi lusyomo lwa kulizya mootokala wako. Uli jisi lusyomo lwa kulya cisusulo cako. Eyo nje nzila mbo lubede, lusyomo buyo lwalyonse. Lino amubikke bulowa, bwaka bikkwa aa hisopo, buli mbwizu buyo bwalyonse bukomena ali oonse mu Palestine, kutondezya kuti lusyomo kuti bulowa bweelede kubikkwa tacili cintu cimwi caatala kuti weeblede kuba a misyobo yonse ya madigri a dokotela ku cicita. Lwalo ndusyomo buyo, lwalyonse mazuba oonse, ku kusyoma Leza. Mwabona? “Amubikke bulowa,” ku lusyomo, “kubelesya hisopo.”

¹⁹ Lino, mukombi, mpawo, wakabona kunsi lya bulowa obu, katondezya kuti wa kacita kuyanda kwa Jehova, alimwi wa kalizibya. I citondezyo caka tondezya kuti wa kalizibya a kabelele kakajaigwa ako Jehova nka kayanda. I mulimo wakacitwa. Ino ncikozyano cilondokede casunu, ca Kristo a musyomi. Cindi Citondezyo nicaka tondezegwa ku musyomi, mpawo Ca katondezya kuti caka zuminwa alimwi mulimo waka citwa.

²⁰ Mpawo, bulowa bwakali citondezyo ca kulizibya, bulowa bwini. I munyama wakazwa malowa, wakafwa, nkabela bulowa bwakwe bwakali aa bulambo. Lino, buumi bwa munyama, obo

bwakali mu bulowa. Alimwi buumi mu bulowa, tu lizi obo. I Bbaibbele lya kaamba booboo, alimwi sayaansi ila citondezya, buumi buli mu bulowa. Aboobo nkikaako cindi munyama naka jaigwa, elyo buumi bwaka pasauka kuzwa ku munyama, bulowa bwakacita kuba bupange bwa bulowa, ku kwiiminina citondezyo. Nkaambo, buumi obo bwakali mu bulowa tee bwakakonzya kupilukila ku musyomo, nkaambo bwakali buumi bwa munyama.

²¹ Elyo buumi bwa munyama a buumi bwa muntunsi bulandeene cakumaninina. Ta kukwe, cintu muli mbubo pee. Wa kabweza, bweza bulowa bwa munyama a ku bubikka muli nduwe, uyo fwa. Aboobo mwabona, swebo, bwalo ii—bwalo mbuumi bwandeene mu bulowa bwa munyama kwiinda buli mu bulowa bwa muntunsi, nkaambo muntu ujisi buntu. I munyama ta jisi buntu.

²² Elyo lino, nkikaako, bulowa bwini, amumvwisye lino, bupange busubila, makkemikko aa bulowa, akacita kulibonya aa mulyango, mbuli citondezyo cakuti kabelele kakafwa, lino, nkaambo buumi bwa kabelele teebwa kakonzya kupilukila aa mukombi muntunsi. Pele sunu . . . Cakali cikozyano biyo.

²³ Sunu taili kkemikko ya Bulowa bwa Mwami Jesu, Kabelele kesu, pele bwalo Mbuumi obo bwakali mu Bulowa, uuli Muuya Uusalala. Ula pilukila alimwi Ncitondezyo cakuti twa zumina a kucita neiconya cintu Leza ncaka twaambila kucita. Elyo mpawo, kwinda kukuba a Citondezyo, tula lizibya a Cituuzyo cesu. Cakulondoka. Nse bwene nzila ili yoonse imbi mbo eikonzya kuba antangalala maningi. Mwabona?

²⁴ Nzila biyo umwi nja konzya kuziba kuti eyo ng'anda yakali kuzulilwa, ayalo, kunsi lya bulowa, nkaambo bupange bwa bulowa bwakali aa milyango. Ba kaindamo, Angelo wa lufu wakacita kulanga a kubona bulowa. Lino, alubo, cakali eikozyano ca Muuya Uusalala.

²⁵ Lino, mwabona, Bulowa nconzyo bwa Jesu teebwa kakonzya kuboola ali umwi aumwi wesu, nkaambo Wa kajisi Bulowa bunji maningi mu mibili Wakwe. Elyo bwa kasweka, kuzwa ku mibili Wakwe, kunjila bulongo, myaka ili zyuulu zyobile zyakainda; pele teebwa keelede kuba bwa Citondezyo. I Buumi, Buumi obo bwakali mu Bulowa, bwakali Citondezyo lino. Njo citondezya kuli ndinywe, mukaindi kaniini, ku Bbaibbele. Bwalo Ncitondezyo ciboola ali umwi aumwi wesu, kutondezya kuti twa kalizibya a Cituuzyo cesu, a kucita kuyanda kwa Jehova.

²⁶ Petro wakati, aa Buzuba bwa Pentekoste, "Amusanduke, umwi aumwi wanu, a kubbizigwa mu Zina lya Jesu Kristo ku kujatilwa kwa zibi, nkaambo muya kutambula cipego ca Muuya Uusalala. Nkambo cisyomesyo cili kuli ndinywe, aku bana banu, a kuli baabo bali kulaale, boonse Mwami Leza wesu

mbaya kwiita.” Mwabona, kutali kucitondezya buyo kuli mbabo. “Boonse abo Mwami mbaya kwiita.”

²⁷ Kuli banji bayeeya kuti bakaitwa. Pele boonse “Mwami” mbaita! “Abo mba kazikale, Wa kabaita; bonse abo Mba kaita, Wa kabalulamika; bonse abo Mba kalulamika, Wa kabapa bulemu,” cintu cakasitkizigwa kale.

²⁸ Elyo mpawo cindi wa bweza muntu oyo uutasyomi kuti Muuya Uusalala ngwa buzuba, mwabona eco ncoba cita na? Ba kaka Citondezyo cili nciiminizyo ncoonya ca ndinywe mu kuswanganisigwa a Cituuzyo canu. Mwabona Nce pandulula? Calo ncuubauba maningi ikuti na wacilanga buyo mu—mu nzila eyo Leza nya kacilemba lino. I Bulowa bula tubweza alimwi twa kali...tondezya i—i ciiminizyo ca Muuya Uusalala, obo Mbuumi.

²⁹ Lino, buumi bwa munyama teebla kakonzya kupilukila mu muntunsi, nkaambo nizya takeendelana, buumi bwa munyama tabu jisi buntu muli mbubo. I buumi bwa muntunsi buli jisi buntu. I munyama tazyi kuti ula cinswe. Ta zyi ciluleme ku cilubide. Wa, wa buyo... Walo ujisi ii—ii muuya, pele kutali buntu. Lino amuyeeye, lino, buntu bwalo mbulenge bwa muuya, mubwini.

³⁰ Lino amulangilile, pele mpawo cindi Buumi bwa Cituuzyo cesu, Jesu Kristo, cindi Bulowa Bwakwe nibwa katilwa. Wa kali Leza, bwa kabikkwa mu Muntu omwe. Lino, Wa kaseluka kuzwa mukuba Jehova, ku kulizibya Mwini mbuli muntunsi, ku kulibwezela Mwini ciwa ca muntu, ku kulizibya a Nguwe. Wa kali Kabelele ka Leza. Elyo mukati ka Nguwe, oko Bulowa...

³¹ Lino Ndi lizi muntuumwi ulati, “Wa kali bulowa bwa Cijuda.” Mula bamvwa ba Juda kabaamba boobo. Ta kali bulowa bwa Cijuda, alimwi naanka kuti Wa kali bulowa bwa Bamasi. Wa kali Bulowa bwa Leza. Ta kajisi bwa Cijuda... Ta kali mu Juda nanka Munamasi. Wa kali Leza. “Ii—ii—ii nakalindu uyo mita.”

³² Lino, Ndi lizi kuti bunji bwanu nobantu aba Protestantni tuyeeya kuti eelyo iji lyakali lya Mariya. Alimwi i—i hemoglobini eyo iboola, buumi buboola mu seelo lya bulowa. Nkaambo, nkukunseke ilakonzya kutula iji, kakutakwe kuswaangana a muyuni mukombwe, tali kakonkolwi, nkaambo tali jisi munzuka. Buumi buzwa ku kukunka kwa bulowa, oko kuzwa ku nkewla ya mweenze. Pele mu kaambo aka kwakanyina nkewla ya mweenze, aboobo, “buumi mu bulowa,” bwa kacita kuzwa kuli Leza alikke, elyo Wa kalenga seelo lya Bulowa mu luzyalilo lwa Mariya. Leza Mwini, Mulengi Mwini, wakalenga seelo lya Bulowa. Lino amulange. Ba lati, “Ee, wa kali mubili. Mariya waka jisi iji.” Peepe, munene. Ta kajisi; taakwe iji. Ikuti na lyakali iji, tokonzyi kuba a nseke kakutakwe kunyanyamukwa. Elyo ikuti na Walo, waa kacita kuba akunyanyamukwa, ino mu mucitya nzi Leza?

³³ Wa kalenga zyobile iji a Bulowa. Obo mbombubo ncobeni Mbwa kabede. "Twa kamujatauka Leza," Bbaibbele lya kaamba. Timoteo Mutaanzi 3:16, "Kakutakwe kukazya makani mapati asisidwe aa buleza: Leza waka yubululwa mu mubili. Twa ka Mu jatauka a maanza esu." Oyo mubili wakali Leza. Nincobeni, wakali obo. Wa kali Leza koonse, mu ciwa ca muntunsi.

³⁴ Lino tula bona muli ceeći, kuti eelyo seelo lya Bulowa lyaka pasauka, eelyo lyakaleta Leza. "Leza wakali muli Kristo, kayanzanya inyika kuli Lwakwe." Oko, taakwe umwi umbi wakali kukonzya kucicita, taakwe cimbi cakali kukonzya kucitwa; caka tola obo Bulowa busalala, Mwini. Leza wakaseluka a kuba muntu, kupengela mulao Wakwe Mwini. Ikuti na Jesu wakali buyo musinsimi, muntu waka pambulwa kuzwa kuli Leza, nkokuti Leza taluleme.

³⁵ Ikuti na Nda konzya kwaamba kuti, "Alekwe Mukwesu Grant afwide cibi eco Billy ncaeletee kufwida, na cintucimwi cimbi, cisubulo cimwi," oko inga kwaba katalulama. Ikuti na Nda kajisi mwana wangu wini kufwida cisubulo eco Nce kakosola, cicili cita luleme. Ku kululama komwe biyo Nkwe konzya kucita, nku bweza busena bwakwe, ikuti na Ndi yanda kuti afutulwe.

³⁶ Elyo Leza wakacita kuba mubili, kutegwa kabweza busena bwa sizibi; Leza waka yubululwa mu mubili, kwiina kulezya kuba Leza Mwini. Lino, ngooyu Mbwa kabede, kayubululwa mu mubili, kagwisya zibi zya inyika. Elyo Wa kalizibya Mwini muli ndinywe, kutegwa tu lizibye muli Nguwe. Mwabona bukanze bwa ncico na?

³⁷ Lino tu jana kuti kulizibya kwesu a Cituuzyo cesu, Buumi bwa Cituuzyo muli ndiswe, uuli Muuya Uusalala. Cindi eelyo seelo nilya kapasauka, lya kaleta Leza, kaleta Leza, cakuti Wa kasalazyu bantu kubelesya Bulowa Bwakwe Mwini a kubikka Leza mu muntu alubo. Leza muli ndinywe, Buumi Butamani!

³⁸ Elyo kufumbwa sicikolo mupati wa Cigriki ulizi kuti eelyo bbala, Buumi Butamani, lizwa ku bbala Z-o-e, Zoe, elyo lyaamba "Buumi bwa Leza Mwini." Mbo mbubo. I nzila biyo eyo njo konzya kusola kuba a Buumi, kuli ciimo comwe biyo ca Buumi Butamani, nkabelu eco nca Buumi bwa Leza Mwini muli ndinywe. Mwabona? Mpawo uli jisi Buumi Butamani, nkaambo Ngo Utamani alikke uliko. Alimwi tuli bube bwa miyeyo Yakwe, akwalo kuzwa ku malengelo aa inyika na cili coonse. Zyoonse ezi nkuyeyya buyo Kwakwe, alimwi tuli kutondezegwa kwa miyeyo Yakwe ya boobo mbo caabede.

³⁹ Elyo Wa kacita kuseluka kutegwa kagwisya cibi. Taakwe umbi wakali kukonzya kuucita. Kwakanyina umwi wakali kweelela kucicita. Kunyina umwi wakakonzya kucicita cita Nguwe, alimwi Wa kacicita. Elyo mpawo cindi obo Buumi nibwa kayutuka kuzwa ku mubili oyo, Muntu, oyo wakali Mwana wa

Leza; nguzu Zyakwe zilenga zya kabamba buyake, mbuli muyasi umwi mupati, kayaka buyake obo Mwa kanjila, Mwini. Leza waka cicita eco.

⁴⁰ Elyo mpawo cindi obo buumi nibwa katolwa, Bulowa, bupange bwa Mbubo, bwaka tikila aansi, mbuli buyo bwa Abela mbo bwaka tikila aansi. Pele kuzwa ku Bulowa obo kwakasika Muuya Uusalala wa Leza, nkabela oyo wakatumwa ku muntu aa Buzuba bwa Pentekoste, ku kulizibya a Cituuzyo eco caka fwida mbabo. Takukwe nzila imbi mu inyika njo tukonzya ku cimvwisy. Ii Citondezyo cakasimpe!

⁴¹ Amulange, ikuti na wakazulwa ca lufu, alimwi wa kalizi kuti wakali kuya mu cuuno camalaiti. Elyo koyeeya, ku kaka . . .

⁴² Dallas, swiilila! Kukaka Bulowa bwa Jesu Kristo, Citondezyo ca Bulowa Bwakwe, ikuti nawa Ci bona aku Ci kaka, uya kulanganya Lubeta a Bulowa Bwakwe mu maanza ako. Sizibi, simbungano, kociyeeya eco.

⁴³ Ino kuti Lee Oswald na kakonzya, alo mazuba masyoonto, a kuzwa nkasaalo oko kumbele lya Nkuta eyo Mpati iinda eyo nja kalanganya; alimwi wakalizi, kuzwa kukujaya Muleli, nikwata kaba aalo kabeela komwe ka luse, nzila muntu nja keelela kulimvwa! Kweelede kuti cakali cintu cibotu kapati. Ta ka cilanganya, nkaambo mulombwana umwi waka mudubula. Pele amuyeeye kukkanala okuya kunembo lya Nkuta Mpati iinda kainyemedé, a bulowa bwa muntu nyokwe mu janza lyako, Muleli wa United States! Eco ciyooba cintu cuuba, kuli ndinywe nobantu nomwiindilila Bulowa bwa Jesu Kristo, cindi mwa kwiima kumbali lya nkuta zya Leza. Ku cipengela cindi nomuzi. Oswald naka konzya buyo nakasiya buumi nkambo ka nguwe, pele Leza ula kugusya Cabutamani kuzwa ku Busyu Bwakwe. Ci yooba cintu cipati loko. Amuzibe.

⁴⁴ Ikuti noka yandika kusika ku nkuta, mu kaambo kakuzulwa, noka yanda loya wiinda ngo kali kukonzya kujana. Uli onse inga wacicita.

⁴⁵ Elyo muntu oonse wakazyalwa mu inyika, Ta ndikwe makani obo ng'anda mbotu mwazwa, ujisi mulandu wa Bulowa bwa Jesu Kristo kusikila wa zamina kujatilwa kwa nkuko. Elyo nzila biyo njo konzya kuziba kujatilwa kuti kuli luleme, cindi Citondezyo calibikka Cini ali nduwe, alimwi uli jisi Citondezyo.

⁴⁶ Amubone, ujisi mulandu, alimwi inga wa yandaula simulao wiinda oyo ngo konzya kujana kwiiminina kaambo kako. Elyo ikuti na Nda kali kuunka ku Lubeta lwa Leza, Ta ndiyanda mupaizi, Ta ndiyandi muntu; Ndi yanda simulao wiinda Ngwe konzya kujana kwiiminina kaambo kangu.

⁴⁷ Anda ambe ceeci, kuli nduwe, mweenzuma Munakristo. Simulao wesu mubetesu wesu akwalo, alimwi mubetesu bwesu—wesu wakaba simulao wesu. I kaambo kala bambwa cindi twa tambula kujatila Kwakwe. I mubetesu Mwini wakaseluka a kuba

simulao, alimwi simulao a mubetesi Muntu omwe. Leza wakaba muntu, kutegwa Ka konzya kululamika muntu kwinda ku lufu Lwakwe Mwini Ndwa kabikka ali nguwe. Aleluya! Eco caamba kuti, alumbwe Leza wesu! Walo uleleela kulumbaizigwa koonse. Mubetesi wesu a simulao wesu Muntu omwe.

⁴⁸ I Muuya Uusalala Ncitondezyo cakuti twa kajatilwa. I kaambo kajalwa. Ku mwaalumi a mwanakazi oonse wakatambula nconzyo lubbizyo lwa Muuya Uusalala, wa kasolekwa, wa kalizibya a simulao wakwe, a mubetesi wakwe, a cituuzyo cakwe, a Citondezyo nca jatilide mu lukono lwakwe kutondezya kuti lweendo lwakwe lwaka bbadelelwu kuya ku Bulemu. Ameni. Ca mana. Uli cijatilide eco Citondezyo. Nci cakwe, lubbizyo lwa Muuya Uusalala, uuli ngu kamboni wa bubuke bwa Jesu. Ameni. Sena mula cisyoma? [Mbunga yamba, "Ameni."—Mul.] Oko nkulizibya kwako, ujatilide Citondezyo.

⁴⁹ Lino ikuti na to jisi Citondezyo eco, toka booli mukati. Wee rede kuba a Citondezyo. Oyo ngo muulo uyandikana, "Cindi Nda bona bulowa, bulowa bwalo ncitondezyo. Ciindi Nda bona Bulowa, Njo mwiindilila." Mweede kuba a Citondezyo. Ikuti na to jisi, baa, to kaunki. We zele kuba a Citondezyo.

⁵⁰ Ikuti na citondezyo ta ciyalidwe, citondezyo tii caka tondezegwa awo, acalo cipangano ta cikabeleki. Yebo wati, "Ee, lino, Mukwesu Branham, lino kolindila aniini buyo." Mbo mbubo ncobeni.

⁵¹ I citondezyo cakali atala ku cipangano. Nkambo Israyeli yaka jisi cipangano caku palulwa, alimwi kufumbwa mu Juda wakali kukonzya kuzwa a kutondezya muntu uli onse, "Nda konzya kukutondezya kuli Ndili palwidwe, Ndili mu Juda, Nda kapalulwa kweendelana ku kulalila kwa Jehova," pele nekubabobo eco tii caka mutanda ikuti na citondezyo tii cakaliko acalo. We elede kutondezya citondezyo. Sa mwa cimvwa? [Mbunga yaamba, "Ameni."—Mul.] Wa... I citondezyo ceelede kubako, nekuba. Elyo ikuti na uli mu cipangano.... Ikuti na umwi mu Juda wati, "Nse kobikka bulowa aa mulyango wangu, Nda konzya kutondezya kuti Ndili mu Juda wa cipangano," Angelo wa lufu waka mujata. Takukwe makani obo mbwa kali kusyomeka, obo kunji kwakuba simbungano mbwa kabede, obo kunji kwakkumi nkwa kapa, obo mbwa kaamba kuti wakasyoma Jehova; Jehova wakayanda citondezyo eco.

⁵² Elyo Ula cicita asunu, akwalo. Ce elede kuba. Cileede kuba, "Nkambo kwiina nzila imbi kunsi lya Julu, takukwe zina limbi lipedwe nzila ili yoonse," takukwe makani mbwali mubotu, obo mbwali uusyomeka. Eco Citondezyo ceelede kubako, a kutondezegwa.

⁵³ "I bulowa," yebo wati, "ee, Nda kajaya kabelele alimwi Nda kabikka mu cijaa. Nda kabikka kusule awa." Eco tacili cintu

Nca kaamba. Ce leeled e kuba aa musende alimwi aa busena bwa mulyango. Ceelede kutondezegwa.

⁵⁴ Alimwi buumi bwako bweelede kutondezyo Citondezyo kuti cili muli nduwe. Oh, nywebo noba Pentekoste, ncinzi cilubide kuli ndinywe? Masusu ageledwe, masyu apentedwe, muttu, kudana kubi a zintu, kuli ali kutondezegwa oko kwa Bulowa bwa Mwami wangu Jesu Kristo cili Ncitondezyo ca Muuya Uusalala? Nywebo, mujisi ciwa cabukombi, akwiita kuti "bulozi" a zintuzyonse zimbi, milimo ya Leza, "bulozi." Mbobuti mbo tondezya citondezyo?

⁵⁵ Ba lati, "Ndili wa Pente-..." Ta ndikwe makani obo mbobede. "Ndili wa Baptisti. Ndili wa Pres-..." Ta ndikwe makani mbobede. Eco Citondezyo ceelede kubako. Leza ula Ci sesa, alimwi taakwe cimbi pele eco.

⁵⁶ Yebo wati, "Ee, Ndi jisi lya bwiiyi." Ta ndikwe makani kuvula kwa madigri ngo jisi. Leza usesa eco Citondezyo, alimwi Eco cilikke. Cili ncizibyo cakuti musinzo wako uli bbadeledwe. Ta kabwezi zyeelelo zyako zyalwiiyo na cintucimwi cimbi. Walo weeled e kuba aa Citondezyo eco.

⁵⁷ I namutekeya wa bbaasi wati, "Awa, lindila aniini, eco tacili citondezyo cangu."

⁵⁸ I muttu wandeke wati, "Ee, kuya kokuya lino." Ii tiketi ncitondezyo. Koya kokuya a kwaambila pailoti, "Awa, Ndi yanda kutanta ndeke yako. Ino mali inzi?"

"Konjila a kujana citondezyo cako."

"Oh, Ndila kubbadela."

⁵⁹ "Nse konzyi kuli tambula. Tokwe kutanta mu ndeke yangu kusikila waunka kuyo bbadelela muulo a kujana citondezyo. Ndi yandaula citondezyo."

Yebo wati, "Ee, Nda kaunka ku cikolo. Nda kacita *ceeci*. Ndi..."

⁶⁰ Ta ndikwe makani eco nco kacita, weeled e kuba a Citondezyo nape tokwe kutanta. Ameni alimwi Ameni. Sa tamukonzyi kucibona? Leza usesa eco Citondezyo. "Cindi Nda bona bulowa, alimwi luzutu Neyo mwiiindilila cindi Nda bona citondezyo."

⁶¹ Tii caka tondezegwa, cipangano tii cakali kubeleka. Ii mu Juda wakali kukonzya kwaamba neobeni a kutondezya mwini kuba ii—kuba mu Juda wakapalulwa, wa kakonzya kugusya babunyina a kwaamba kuti, "Amulange awa, Nda kapalulwa." Eco tii cakaamba cintu nociba comwe.

⁶² Yebo wati, "Ndili muna Methodisti. Ndili muna Baptisti. Ndili muna Pentekoste. Ndili *obu*. Ndili *obo*." Eco ta caambi cintu neciba comwe.

⁶³ We elede kuba a Citondezyo. Alimwi cindi Citondezyo casika, Ci lungulula zya Kristo. Wa kati Ciya kucita. Elyo Kristo ndi Ijwi. Elyo mbobuti mbo konzya kukaka kuti Bbaibbele ndya kasimpe, cibela ca Ndilyo, elyo ko caamba kuti ujisi Citondezyo, kakuli Citondezyo mbumboni bwa Jesu Kristo? Mwabona, nceeco cintu Nce buzya.

⁶⁴ “Oh,” kwaamba, “Ta ndisyomi, Ndi syoma kuti mazuba aa maleele . . .” Oh, lingula, takukwe Citondezyo awo. I Citondezyo cila zumina Ijwi lyonse kubelesya “ameni,” zintuzyonse, nkaambo ngu Leza Mwini. Mwabona? Yaa.

⁶⁵ Pele ikuti na citondezyo taciko okuya, cipangano tii caka jisi nguzu. Ca kalesegwa. M bubonya lino! Takukwe makani obo—obo kunji nkoamba, obo kunji nkowamba kuti, “Ndali syoma Ijwi lyonse mu Bbaibbele,” kwaamba, “Mukwesu Branham, Nda—Nda konzya kubalulula cisela ca Bbaibbele kuli nduwe, lyoonse Bbaibbele, ku moyo. Nda syoma kabeela koonse ka Ndilyo.” Eco ncibotu. Saatani ulacita, awalo. Uh-huh. Citola Citondezyo!

⁶⁶ “Ee, Mukwesu Branham, Ndi jisi bwaanda buzwide madigrii. Ndili Bbaccela wa Arti, alimwi Ndi jisi digrii lya bwiiyi, a LLD. yaci Latini. Elyo, oh, Nda kalemba mabbuku. Nda kacita ceeci. Nda kacita zintuzyonse. Nda—Nda kacita zyonse zintu ezi.” Ta ndikwe makani. Zyoonse ezyo zili kabotu, pele nekubaboobo weelede kuba a Citondezyo. I Citondezyo, nokuba Citondezyo cila yandikana!

⁶⁷ Yebo wati, “Ndime sicikolo wa Bbaibbele. Ndili ii—Ndili muntu uuli kabotu. Ndili obu, obo.” Oko inga kakuli kabotu, kuli lizi, pele nokuba ceelede kuba a Citondezyo!

⁶⁸ Lino, lufu lwakali bambidwe kuuma Egepita kufumbwa ciindi, elyo aboobo lufu luli bambidwe kuuma cisi lino kufumbwa ciindi.

⁶⁹ Anna Jeanne, Ndi mwya cintucimwi mbuli uso, kaamba mubandi ciindi cimwi. Nda kaubotelwa oyo lyoonse. Wa kati, “Nywebo mulizi, eci cisi, a zibi ndyoonya, ikuti na Leza walekela America kuta subulwa kuli eco ncacita, Uyo sinikizigwa kwelela kubusya Sodoma a Gomora a kulilekelela kuli njiyo, ku kwiumpa.” Elyo mbo mbubo.

⁷⁰ Amuyeeye, Israyeli yaka bbadelela cibi coonse ncoya kacita, nkabela aswebo tuyu cita. M bobuti mbo tuyu bulileka? Amwaangisye cikwabilizyo! Amupilukile kuli Leza, ombungano! Kutali kwaamba zintu ezi kukwiimpana. Ndi mwaambila mbuli kucenjezya. Mula syoma!

⁷¹ Lufu lwakali bambidwe kuuma. Leza waka batondezya luzyalo Lwakwe a luse Lwakwe, kwiinda ku nguzu a zitondezyo a zigambyo (mbubonya sunu Wa cita kataninga kugusya Mbungano), nekubaboobo tii bakayanda kweempwa a kusyoma mulumbe.

⁷² Mwabona, kwakali mulumbe kakutaninga buyo kuzwa kwa mbungano. Lyoonse kweelede kuba. Mbulonya lino. Kucitika koonse kwa kumuuya ncizibyo kuzwa kuli Leza. Sena mula syoma obo? [Mbunga yaamba, “Ameni.”—Mul.] Mbuli Mulumbe, kuli cizibyo alimwi mpawo Mulumbe ucilila cizibyo. Leza wa kaambila Musa, kuti, “Ikuti na bata kasyomi jwi lya cizibyo citaanzi, ndiza baya kusyoma jwi lya cizibyo cabili.”

⁷³ Lino, cindi mwabona zitondezyo kaziyabuya, nkabela kwiina mulumbe kunze lyazyo, nciconya buyo cikolo cakaindi ca lwiiyo lwabukombi akuya buseleluka, ezyo tii zyakazwa kwa Leza. Pele awo aka tondezegwa cizibyo, Mulumbe wa kacitobela. Lino amulange. Jesu wakasika aa cilao . . .

⁷⁴ Sa Nda musinka matwi? Na kufumbwa uli ku maikrofooni eyi okuno, limvwisya mbuli kuti cila jokoloka. Ndiza nkumvwa aniini. Ndi yanda ku cimvwa.

⁷⁵ Cindi Jesu nakasika aa cilao, Ta kaamba kunji loko ku bantu, bantubonse bakali ku Mu yanda mu mbungano yakwe. “Oh, oyu Musinsimi mukubusyi, tuli kkomene kapati kuba a Nguwe.” Wa kali kuponya baciswa. “Oh, bulemu kuli Leza. Leza wabusya Muntu mulemu akati kesu.” Eco cakali kabotu. Aboobo buzuba bumwi ca kasika ku kasena oko . . . Eco cakali cizibyo Cakwe.

⁷⁶ Isaya 35 wakati ciyooba cizibyo. “I balema bayo sotoka mbuli mbaambi,” a bumwi bumbi, “boofu baya kubona.” Ca kali cizibyo.

⁷⁷ Wa katondezya cizibyo Cakwe mbuli Mesiya, abumwi bumbi. Elyo balo, bunji bwabo, bakati, “Iiyi, Nda konzya kuunkila ceeco.” Ee, lino, ikuti na eco cakali cizibyo, kweelede kuba jwi lya cizibyo eco. Ino lyakali ijwi nzi kunze lya ncico? Cindi Na katalika kuyiisya njisiyo Yakwe a kubaita kuti cikama ca nzoka mu bwizu. Ta kacili aampuwo kuzwida awo, mwabona, cindi jwi nilya kasika antomwe a cizibyo. I cizibyo cakaunka lutaanzi.

⁷⁸ Musa wakaunka kumusanza mu Egepita a cizibyo. Elyo wa kawaalila ansi musako wakwe, wakasanduka kuba muzoka. Eco cakali cizibyo. Pele nikwakainda kaindi, jwi lyakasika antoomwe a cizibyo. Mpawo cakali cimbi. Mwabona, taba yandi ceeco. I—i jwi, lileelede, kutobela cizibyo. Alimwi taakwe ciindi cimbi nicakali kukonzya kusika cita ku ciindi eco, nkaambo cakali ciindi ca Magwalo kuti azulile. Amulange eco Nca kamwaambila, mu citeo ciyaka mulilo, “Nda kubona kutongela akubamvwa bantu Bangu, akubona kupenga kwabo kwinda kuli basikubelesya iba Egepita, nkabela Nda ibaluka cisymezyo Cangu eco Nce kabamba kuli Abrahamu.” Myaka ili myaanda yone yakali manide, alimwi Wa kaambila Abrahamu kuti baya kuba kumusanza okuya. Mwabona, kwiina ciindi cimwi nicakali kukonzya kuba. Musa wakacita kuboola mpoonya aa ciindi eco.

⁷⁹ Nkoloko mpati ya Leza yakali kweenda kabotu. Ta kiabi miniti yomwe kufwambaanisyia na miniti yomwe kusyalila.

Iyooba mpoonya ncobeni aa ciindi. Ee, aboobo, nywebo mwabona, zintuzyonse zyakali kweenda kabotu nconzyo, tii kwakakonzya kusika aa ziindi zimbi.

⁸⁰ Naanka zintu ezyi kukonzya kusika ku ziindi zimbi. Eci nicaata konzya kusika ku mazuba aa Luther. Ni kwaatakonzya kusika mu mazuba aa Wesley. I mazuba aba Baptisti naba Methodisti, mu mazuba abo, ni cataka konzya kusika. Ceelede kusika lino. Israyeli yeelede kuba cisi. I mambungano aeleded kuba mbwabede lino. Kweelede kuba mulumbe watatu, bukkalo bwa mbungano yatatu. Kweelede kuba Laodikeya. Ni caatakonzya kupanga kusikila Pentekoste kaiboola kumanizya nguzu zyayo, a kuzwa a kubunganya, a kucita eco ncoba kacita. Mpawo ceelede kusika, mpawo kwasika Mwami, cindi nibaka Mu tandila anze ly a mbungano. Walo ndi Ijwi.

⁸¹ Bala yoowa kuzundikizya eelyo Ijwi kuli konse. Bala zumanana kuumuna loko kujatikizya Ndilyo, pele nekuba bala kwankwana kujatikizya ncico.

⁸² Chicago, okuno calino, cindi Mwami naka ndipa cilengaano. Nda kajisi bakutausi bali myaanda yotatwe kumusanza okuya. Nda kati, "Lino Ndi lizi cintu nco... Kujatikizya lunyungu lwa muzoka, azimwi zimbi," Nda kati, "umwi wanu abweze Bbaibble lyakwe a kuboola kwiimikila munsi lyangu a kucitondezya kulubila." I cikama cakabateme maningi nco kasola kumvwa. Nda kati, "Mpawo amuleke kundi penzya." Mwabona, cizwa ku cikolo cabu ca kuyeyea.

⁸³ Nekuba, ba lati, "Mukwesu Branham walo musinsimi cindi ano nanikidwe, pele cindi bunanike bwa musiya, oh, Ta ndizi." Ino ii...Ikuti na eco tacili caando ca ii—ii—ii—ii lwiiyo lwabukombi cinyongene! I ncoonya...

⁸⁴ I bbala *musinsimi* lyaamba "sikuyubununa wa Buleza ku Ijwi." I Ijwi lya Mwami liboola ku basinsimi. Obo Jesu mbwa kazibwa. Alimwi ba kaamba kwiinde bubuke, ba kati, "Tu lizi kuti Wa kali musinsimi wa Leza, mwabona, taakwe muntu ukonzya kucita zintu ezi citakuti Leza kali anguwe," mpawo teeба kazumina mulumbe Wakwe. Teeba bakazumina Johane, alimwi wa kali musinsimi. Teeba kamuzumina Eliya, kwiina bamwi babo, alimwi ba kajisi ciyubunuzyo ca Buleza.

⁸⁵ I bbala, bbala lya Chikuwa, *musinsimi*, mabala aa Chikuwa alakonzya kwaamba cili coonse, lyaamba "mukambausi." Pele cindi waamba *musinsimi*, wa Bbaibble lyakale, lyaamba, "mulunguluzi." Alimwi zyeelelo zyakwe zyakali, zyakuti, eco nca kaamba cakacitika, alimwi eco cakali cizibyo cakuti wakali musinsimi; akwalo wa kali cizibyo cakuti wa kajisi ciyubunuzyo ca Buleza ica Ijwi lilembedwe. Elyo mpawo Leza ka cisimpikizya, kunze lyakwe, ku citondezya.

⁸⁶ Buti? Ee, ceelede kuba buyo munzila eyi, kwa mana. Takukwe nzila ya kuczunguluka. Leza waka caamba kuba

munzila eyo, nkabela mpaawa mpo mubede. Pele nceeci sunu, mwabona, eco Citondezyo ceelede kuba okuya, eco cizibya eelyo Ijwi a kuli bamba kuba kasimpe ncobeni. Mpawo nzila Mbwa kasyomezya, nzila Mbwa kabamba boonse bantu Bakwe ba nyika ya cisyomezyo, lino, cindi Na kali kuyooba a kulonga oku, kwalo cakali cikozyano.

⁸⁷ Lino Ndila sola kuzwa kutandila maminiti ambi ali kkumi aosoanwe, maminiti ali makumi obile, a Mulumbe. Amubone kabotu lino, Ndi yanda kuti mumvwisye ceeći, nkaambo kwayanda Nse kamuboni alubo, mwabona.

Amubone, lino amulangilile nzila Mbwa kabamba bantu Bakwe.

⁸⁸ Mbangaye bazi kuti Ta cinci nzila Zyakwe? Ta cinci. [Mbunga yaamba, “Ameni.”—Mul.] Ula...lino amulange kwinda mu Bbaibbele a kubona na Wa kasola kwiicinca. Peepe, munene.

⁸⁹ Mbobuti Mbwa kabamba bantu? Lutaanzi, Wa katuma musinsimi antomwe a cizibyo, oyo wakali Musa. Sa eco cili luleme? [Mbunga yaamba, “Ameni.”—Mul.] Alimwi cizibyo caka jisi mulumbe, mulumbe wa “kulibambil,” ba kali kuzwa kuya ku nyika eyo yaka syomezegwa. Mpawo Wa kajisi kulizibya, kwa musinsimi oyu, oyo Mumuni wakali atala lyakwe. Ii Musumpululu wa Mulilo wakatobela oyu musinsimi, tu lizi obo, kainda mu nkanda antomwe a Musa. Tula mvwisya obo. Elyo mpawo Wa kabapa citondezyo ca kaanzambwene kuteeti tiiba keelede kuyoowa, koonse kunyongana a kulibilika; oko Nkwa kati, “Cindi Nda bona eco citondezyo, Njo mwiindilila.”

⁹⁰ Amulangilile nzila Mbwa kacita lino. Wa kabamba cizibyo lutaanzi, mutumwa, mulumbe wakalizibya, kulizibya kwa mutumwa, a citondezyo ca kaanzambwene kuti nzila yaka bbadelelw. Ba kali kutozya ku nyika yaka syomesegwa.

⁹¹ I cintu nciconya Nca cita asunu! Ino Wa kacita nzi? Wa ka tutumina Muuya Uusalala. I Muuya Uusalala walo Mutumwa, a kulizibya Kwamalembe kwa Nguwe kula Mu zibya akati kesu, mbobuca nguwenya, sunu, amuya myaaka. Alimwi Citondezyo calo nkaanzambwene. Ino tu yoowa nzi? Mali aa lweendo ali bbadeledwe kale alimwi tula lizibya a Cituuzyo cesu. Ta konzyi ku mukaka. Wa kacisomezya eco. Tula lizibya.

⁹² Israyeli yakazwa mu Egepita, mbuli Mbwe amba, ili mbuli i—i Nabwiinga kazwa mu mbungano. Cindi Musa naka talika mulimo wakwe, Israyeli yonse yaka bungana antoomwe mu Geshoni, ku mipailo a kukomba, ncobeni, kazwa ku zibeela zyonse zya Egepita. Eyo nje nzila Nabwiinga njayo cita, uya kuzwa kuli boonse Babumwi, Babubili, Babutatu, a yonse misyobo imbi. Uya kuzwa. Ule elede kucita. Lino tula bala awa mu Bahebrayo i... Swebo lino, cintu citaanzi nco tweelede kuyeeya, nkuzwa ku zibeela zyoonse, “Amuzwa akati ka

kutasyoma.” Lino Muuya Uusalala waka syomezya kwiita oyo ku mazuba akumamanino, “Amuzwe akati ka batasyomi.” Amubone.

⁹³ Tu jana kuti mu Bahebrayo 10:26, Nda kulemba awa, yaamba boobu, “Ikuti na twa bisya acaaali twa mana kutambula luzibo lwa Bwini, ta kucikwe cituuzyo cimbi ca cibi,” mwabona, ikuti na mwaunduluzya acaaali.

⁹⁴ Lino ikuti na mwalangisya, eco Nce konzya kwaamba awa, ikuti na mwa ndilekela asyoonto mane Nda bamba bupanduluzi obo. Nda konzya kumvwa mu Muuya, tii cajatwa kabotu. Mwabona? Amubone.

⁹⁵ MBAABA Bahebrayo, bali mu lweendo lwabo lwakuzwa. Leza wakasala baalumi bali kkumi ababili, na Musa wacita, kwinda ku janza lya Leza, kwiinka mutala a kuyo twela nyika; a kupilukila, kujosya citondezyo ca nyika. Alimwi cindi niba kasika okuya, bali kkumi babo bakayoowa kufwa. “Baa,” ba kati, “balu ba Amaleki kutala okuya, tu boneka mbuli cisozi kuli mbabo.” Joshua a Kalebu bakajokela, bakaleta bumboni, “Inga twa cicita!”

⁹⁶ Nywebo mwati, abo mbasyomi bakatikati. Ba kaboola kwiinda mu tuntu otu twandeene, alimwi kwinda mu mbungano, a kusangana mbungano, a lubbizyo a ziimo. Pele cindi ni cakasika nkoonya kutala ku kuzabuka kuyo bweza Citondezyo, bumboni bwakuti Nyika nkoili okuya, obo Buumi... Jesu Kristo ta fwide pe. Calo ncilawo cimbi. Ula pona muli ncico. Uli andiswe, Üli muli ndiswe lino. Cindi casika kuli ceeco, “aah,” teeба kakonzya kucisyoma eco. Eco caka vulisyapati, nywebo mwabona. Elyo ba kapiluka, nkabela balo, umwi aumwi, wakafwa mu nkanda, taakwe umwi wabo wa kazabuka. Elyo, mwabona, ikuti na twa unduluzya, tobana Methodisti, Baptisti, Presbyteria!

⁹⁷ Ndi syoma kuti mwiyi wangu wakale uli kkede ano sunu. Mwiyi Roy E. Davis, bunji bwanu muli muysi, nkoonya okuno ku Fort Worth, antela uli kkede omuno. Nda yeeya twa kazibandika zintu ezi, myaka, minji minji yainda. Wa kandi bbizya mu lusyomo, mbungano ya Missionari Baptisti.

⁹⁸ Elyo amulangisye, omuno, lino, ikuti na twa... ikuti—ikuti na twa boola ku munyinza oyo, kwaamba, “Ee, bulemu kuli Leza, Nda kaambaula mu myaambo, aleluya.” Eco tacili ncico. Ikuti na wakonzya kuti, kounduluzya kufumbwa limwi Ijwi eelyo, kuli cintucimwi cilubide ku luzibo lwako. Wabona?

⁹⁹ Wa boola nkoonya kutala lya Nyika akubona kuti nkoili okuya. Wa bona kuti Jesu wakabuka. Uli akati kesu. Wa mvwa Ijwi litobela mulumbe, nkabela nekubaboobo to Li syomi, uli zyi cakacitika na? Mpawo bakafwa moonya mu nkanda. “Ikuti na twa bisya acaaali lya kumana kutambula luzibo lwa Bwini, ta

kucikwe limbi cipaizyo ca cibi.” Obo mboli twaambila Bbuku ly a Bahebrayo.

¹⁰⁰ Elyo amulanglile lino, mbuli mbo tu bona zitondezyo zipati ku ciindi camamanino mu nyika, cakuti Wa kasyomezya, nkunjì buti nko kucenjezya ndiswe kuti ciindi cili afwaafwi. Amuleke kuundulusya. Amubole antoomwe. Tweelede kuyandana a kusyoma, akuli pambula lwesu kuzwa ku inyika.

¹⁰¹ Amubone, teeba keelede buyo kuboola antoomwe a kwaambaula zya mulumbe. Ba keelede kuunjila, kuba kunsi lya bulowa. Kutali kuboola kwaamba kuti, “Nywebo mulizi, Musa waka twaambila. I mutumwa, wa kati, wa katwaambila kuti tweelede kuba a bulowa. Ino mujeyya nzi kujatikizya ncico, balombe?” Tee cakali ncico. Amu jaye kabelele, akubikka bulowa atala awo!

¹⁰² Inga twa sika a kukkanla a kuzuminana a Ijwi, a zintuzyonse zimbi, pele mutabi a ceeco Citondezyo, ino citu gwasya nzi? Taakwe cigwasya. Amube kunsi lya Mbubo. Ta kajisi kaambo kakuvwiilila uli onse watakali kunsi lya bulowa obo. Alimwi Ta jisi kaambo kakuvwiilila uli onse, asunu, uutali kunsi lya Citondezyo.

¹⁰³ I mukwasyi oonse, kuba kabotu biyo cindi nibakali kunsi lya citondezyo, alimwi citondezyo caka tondezegwa. I mukwasyi mbuuzulwa! Sena mula syoma obo? [Mbunga yaamba, “Ameni.”—Mul.] Sunu twe elede kuyeyya eco, nobantu. Bana besu!

¹⁰⁴ Elyo akukomena oku kwabukubusyi kufuba a cizyano cakiliyumba buniini, a zintu nzo twiindamo, a boonse aba Mabbito a buuka, a kucita kakuli nywebo mulizi kuteeti zyoonse zilaimininwa omuno mu Bbuku, lya Bbaibbele? Li laamba obo mu Ciyubunuzyo. Neamasimpe, ci lacita. Obo bantu, ba, balo—bal...ba, ba, mwabona, ba, balo tabali obo...Balo balifwide. Taba konzyi kubuka. Taakwe nibakali Butamani. Teeba kaliko akwalo mu Kuyeyya, aboobo bayo loba. Bayo maninina kwalyonse, kunyonyoonwa kumaninide. Bayo subulwa kwa ciindi cilamfu kapati, kuli ncoba kacita, pele kufumbwa cintu caka jisi matalikilo cili jisi maglelo.

¹⁰⁵ Nceeco citakwe matalikilo, cita jis magolelo. Kuli ciimo comwe biyo ca Buumi Butamani. Ciimo comwe ca Buumi Butamani, tu kakatilila boobo. Amuzibe.

¹⁰⁶ Joshua, cipati 2 ca Joshua, sibwaamu Namasi wakali kusyoma wakamvwa, a mukwasyi wakwe, aku baleta kunsi lya ntambo eyo isalalapyu, eyo yakali citondezyo kuzwa ku batumwa ba Jushua. Angelo wa Leza wakali kunyonyoona wakalemeka eco citondezyo, alimwi eci biyo, mu muunzi oyo. Nceeco cakali ceelelo ca Leza, kwinda ku balanda Bakwe, kuteeti Leza wakasesa eci citondezyo, alimwi eco cakali cilikke. Ta ndikwe makani na wakali meya wa dolopo, ikuti na wakali

muntu uusalala kapati mu dolopo, ikuti na bakali mbungano mapati maningi mu dolopo, zintuzyonse mu munzi zya kawa kunze lya eyo ng'anda. Leza, biyo, wakalemeka eci citondezyo.

¹⁰⁷ Amubone, Jeriko yakamvwa kuti Leza wakali kucita zintu zipati, pele tiiba kaswiilila kucenjezegwa.

¹⁰⁸ Mbubonya bantu asunu abo bamvwa Leza kacita kwa myaka misyonto yamamanino. Ezi ninguzu zipati zya luzyalo a zitondezyo, mbuli Mbwa kasyomezya, "mbuli mbo kwakabede ku mazuba akwa Sodoma, mbubonya mbo kuyooba." Obo Mbwa kasyomezya cintu eco kuyooba! Amulangilile eco caka citika mu Sodoma. Amuyeeye, kwakali cizibyo ca Sodoma. Pele mutumwa, wa Malaki 4, ngwa, "kubamba myoyo ya bantu kupilukila ku matata, matata aa pentekoste, kupilukila ku Bbaibbele." Ta kukonzyi kuba biyo Bbaibbele, cintucimwi cimbi. Eci nciyubunuzyo conse ca Leza.

¹⁰⁹ Elyo umwi wati, "Ee, Ndila cisyoma *eci* cibeela, Ta ndizi kujatikizya Ceeco."

¹¹⁰ I mutumwa wini wa Leza umugweemuna kupilukila ku Cintu mbo cizulwa! Mwabona? Amubone, eco nce ncico Muuya Uusalala ncoucita, umujosya ku Ijwi lya Leza lyoonse.

¹¹¹ Luzyalo lwakwe lwaka tondezegwa, lubeta Lwakwe lwakatobela. Kweelede kuti bakasyoma kuteeti bakali kwabilidwe mu mayake abo mapati ncobeni aatubungwe ngo baka jisi mu Jeriko, pele baka jana kuti tii cakabeleka.

¹¹² Kweelede kuti baka jisi amwi i...ndiza baka njila omuya munzila imwi, kwakali balombe basyoonto baka njila omuya, a kwaamba kubikka antoomwe mbuto zya kakanzwa. Elyo waa ka... alimwi waa kabelesya ng'anda yakwe kuba cikombelo, a kutambula batumwa; elyo mpawo akunjizya boonse mu munzi wakwe, bakali kuno syoma, kensi lya citondezyo.

¹¹³ Mwanakazi omwe mu lubono olo loonse lupati! Mwanakazi omwe muniini, a mpuwo yakwe mbi, antela wakali tandidwe kuzwa ku cikombelo acimi mu munzi, pele waa kamusyoma oyo mutumwa. Elyo oyo mutumwa wakasiya citondezyo, cizibyo, nkabela Leza wakalemeka citondezyo. Aboobo mbo cibede sunu. Amuyeeye buyo, cindi sikunyonyoona wa Leza ubelesya bukali wakasika, obo bupange bupati bwakawa, citondezyo caka mubamba kuba kabotu mu ng'anda. Kutali kaambo kakuti wakal mwanakazi mubotu; nkaambo wa kajisi lusyomo a kubikka citondezyo.

¹¹⁴ Lino ino kuti na kati, "Inzya, balo mbantu babotu, Nda ubotelwa ncobeni mulumbe ngo bapa. Pele, kusyomeka, cili mvwisya kubaanga mbufuba kuba akatambo kakalengelela anze lya mpulungwido. Njo kakwelelela buyo mukati." Ni yakawa. Ni yakawa. Leza wakalemeka biyo citondezyo, mbubonya mbuli citondezyo cabuumi mu Egepita.

¹¹⁵ Joshua cakali cikozyano ca Jesu, nkaambo *Joshua* caamba “Jehova mufutuli.” Wa kali cikozyano ca Jesu, wakali syomekede ku cizibyo ca citondezyo ica mutumwa oyu nca kakambauka. Joshua wakakkala cakasimpe ku cizibyo eco ca citondezyo. Boonse bakali kunsi lyaco baka futulwa, mu Egepita. Boonse bakali kunsi lya ncico baka futulwa, mu Jeriko.

¹¹⁶ I Bulowa bwa Kabelele ncikozyano sunu ca Citondezyo, cakuti Muuya Uusalala calo Ncitondezyo ca sunu. Boonse bali kunsi Lyaco bali kwabilidwe. Boonse batali kunsi lya Lyaco taba kwabilidwe. Mu Bahebrayo 13:10 a 20, Wi itwa kuti “cipangano citeeli.” I cipangano cakale cakali cintu comwe, eci Ncipya, eci calo “ncipangano citeeli.”

¹¹⁷ Leza, zisyomezya zyaangidwe ku Bulowa bwa Leza, zila twangulula ku cibi a mause, akuba baandeene kuzwa kuli bamwi ba inyika. To elede kusama bwandeene; uli onse inga wasama bwandeene. We elede kuba, kuba mukati, wandeene. I Buumi buli mukati; kutali zyakusama, kusama. “I Bwami bwa Leza tabuli bwa nyama a zyakunwa, na kusama masani; pele nku kkazikamoyo, bubotu, buuya, lukakatilo, mu Muuya Uusalala.”

¹¹⁸ Lino zisyomezyo zila twaangulula ku cibi, tondezya kuti Leza tana-tana kutweluka cibi cako. Davida wakati, “Ulacoolwe muntu oyo Leza ngwa teelekeli cibi.” Alimwi Leza teelekeli cintu ku Citondezyo eco, nkaambo Citondezyo ncizibyo cakubbadela kuti Leza waka citambula kale. Elyo ujisi citondezyo kuli ncico, pri-...lusyomo lwalo lwa kacuula. Elyo ujisi muulo wakaulwa iwa lununuko lwako mu mubili wako, waku Mu komba a kutondezya zisyomezyo a nguzu Zyakwe.

¹¹⁹ I *Cizuminano Cipy* caamba, “cipangano cipy.” I *Bulowa* bwaamba “Buumi.” I *Cizuminano Cipy* ncipangano ca Muuya Uusalala, Muuya Uusalala kaupa bumboni bwa Jesu Kristo kuti wakabuka kuzwa ku bafu, katondezya kuti Jesu waka kkwanya ceelelo coonse cesu, alimwi muumi sunu. I Citondezyo cilatondezya kuti Walo muumi kukulizibya Mwini a ndiswe, kweendelana ku cisyomezyo Cakwe. Lino mbobuti muntu mbwa konzya kubala Bbaibbele a kubona kuti Wa ka cisyomezya, a kubona Kristo kabweeda ku mazuba aya akumamanino mu ciwa ca Muuya Uusalala a kulizibya Mwini kuti muumi? Eco nce Citondezyo. Eco nce cizibyo. Oyo ngo muulo wakabbadelwa.

¹²⁰ Muta, soli kuyaamina ku kunyanyamukwa kumwi. “Nda kamvwa kutontola maningi kusule lyangu. Alimwi—alimwi Nda—Nda kanunkizya cintucimwi; kabona bulowa mu maanza angu, a mafuta. Na—na, Nda kawina Bbacela Digrri. Na, Nda kazyana mu Muuya. Nda kaongolola. Nda kaambaula mu myaambo.” Zyalo zintu inga kazili kabotu. Nse jisi cintu caku zilwana, pele eco tacili ncico Nce ambaula.

¹²¹ Nda ambaula zya kulizibya kwa Citondezyo, Jesu Kristo, wakabuka amuli ndiswe lino, kalizibya Mwini, kusimpikizya

alubo Ijwi Lyakwe lyaka syomezegwa ku buzuba obuno. Ameni. Mpawo yebo a Kristo muli bomwe. Leza a Kristo bali bomwe. "Obuya buzuba, muyo ziba kuti Ndili muli Taata, Taata muli Ndime; Mebo muli ndinywe, a nywebo muli Ndime." Ngooyo Leza kayubuluka mu mubili wabantu, kalitondezya Mwini kuba muumi, kumane myaka ili zyuulu zyobilo. Eco nce Citondezyo.

¹²² Ikuti na tamuli mukati, amunjile cakufwambaana nconzyo, beenzuma. Inga kwatola kumukisya. Ta tuzi.

¹²³ Tondezya Busyu Bwakwe, Cizuminano Cipy, Bulowa. Alimwi Cila pona lino, kubamba kusimpikizya. Elyo nkaambo Mpali, tuli jisi nguza zya zyoonse Nzya katuulila. Ii mwaalumi oyo ujisi lubbizyo lwa Muuya Uusalala, na mwanakazi oyo ujisi lubbizyo lwa Muuya Uusalala, uli jisi nguzu ku zintuzyonse Jesu nzya katuulila, nkambo eco ncizibyo cakuti tuli jisi. Ezyo ni nguzu zya kuulila.

¹²⁴ Kwaamba kupa mukozyanyo mwati, "Ee, Mukwesu Branham, ino waamba nzi?"

¹²⁵ Mpaawa, ku cibamba antangalala lino, alimwi Ndi yanda kuti nobantu bacisidwe mu mvwisye ceeći. Amulange, ikuti na Nda kali kufwa nzala ya lufu, elyo Ndi lizi cinkwa, kwaamba kuti, cuulwa kkota, elyo ambali kwasika mukwesu wati, "Njeeyi kkota, Mukwesu Branham. Uli mukufwa nzala; bweza kkota eyi." Lino, nywebo mulizi, Nda konzya kukkomana ncobeni a kkota eyo mu janza lyangu mbuli Mbwe konzya a cinkwa mu janza lyangu, nkaambo Ndi jisi muulo wa kuulila. Ndi jisi citondezyo eco cuula cinkwa. Elyo mpaawo kuli cinkwa; a cintu cilikke, Ndi jatilide citondezyo, kkota eyo yuula cinkwa, Nda konzya kukkomana ncobeni a citondezyo mbuli Mbwe konzya a cinkwa.

¹²⁶ Lino, ikuti na uli jisi lubbizyo lwa Muuya Uusalala, eco nce Citondezyo cakuti uli jisi cintu coonse calununuko eco Jesu nca kafwida, cizulilwa kuli nduwe, cili mu janza lyako. Sa ula yoowa ku citaminina?

¹²⁷ Ikuti Nda cibikka mu nkomo yangu, akuti, "Ee, Ta ndizi naa Nda konzya kuula eco cinkwa na pe," Njo fwanzala calufu. Pele koyeeya, musambazi ulati, "Ndi jisi ceelelo comwe, Ba. Branham. Lyomwe seenti lya makumi obili aosanwe, inga waba a cinkwa." Ndi cijisi! Ameni. Eco cila cibamba.

¹²⁸ Ako nkekaambo ta tuboni zintu zinji maningi kucitwa sunu, Citondezyo ta citondezegwa, Citondezyo cini. Oh, tuli jisi misyobo yoonse ya zyalweeno, pele Nda amba Citondezyo cini.

¹²⁹ Amulange, mpawo cindi twa zibisy a kutondezya Citondezyo, Buumi bwa cibwezela kuba Citondezyo, Bulowa bula tukananina. Amuyeeye, Bulowa bwa cipangano bwaka zibwa antomwe a Citondezyo, a Ijwi lila tusyomezya kasimpe zya cisyomezyo. I Citondezyo ncizibyo cakuti kuulwa kwa kacitilwa ndiswe.

¹³⁰ Lino, ikuti na tosangene muli eco, ee, mubwini, toka jani cintu; noenda buyo mu mundando wa mipailo, kujokela kuzwa kusule; kweenda atala lya cipaililo, a kulungumana, kujokela kuzwa kusule.

¹³¹ Pele, oh, mukwesu, cindi eco Citondezyo cabikkwa lumwi mu moyo wako—wako—wako, nkabela ulizi kuti mbubuke bwa Jesu Kristo muli nduwe, cintucimwi cili mukucitika. Taakwe cintu ciyo kunyona. Yebo ulizi nko zulilwa. Kuswilila kuzwide ku Ijwi lyoonse lya Leza kukupa Citondezyo, nkabela taakwe cimbi. “Ulacoolwe oyo ucita Milao Yakwe yoonse, kuti akabe anguzu zya ku Samu lya Buumi.”

¹³² Mpawo, cindi twa komba, weeleded kuba a Citondezyo cakupa antomwe a mipailo yesu. Lino muta kakilwi kumvwa ceeco. Cindi wakomba, weeleded kuba a Citondezyo caku jatilila ku mupailo wako; ikuti na toli obo, zumanana kupaila mane Citondezyo cisike, nkaambo toka syomezegwa ku citambula. Wabona, weeleded kuba a ceeci Citondezyo kusaanguna; oyo muulo wakubbadela, lusyomo lwako ku kucisyoma.

¹³³ Lino, cizibyo ca kuswiilila kuzwide. Kuyoowa kwamwaika. Paulo ula twaambila kuti, “I Bulowa bukanana zintu zibotu maningi.”

Nywe mwati, “I Bulowa bula kanana na?” Inzya, Bulowa bula kanana.

¹³⁴ Mu Matalikilo 4:10, tu jana kuti Leza wakati—wakati bwa Kaini . . . na, “Bulowa bwa Abela bwaakanana kuzwa mu nyika.” Tula jana mu Bahebrayo 12, kuti, “I Bulowa bwa cipangano ca Kristo bukanana zintu zibotu maningi zya Abela.” Mwabona? Tula jana, kuti Bulowa bula kanana, Bula kanana mu cibaka cako. I Buumi obo muli nduwe bula kanana kuzwa ku Bulowa bwakatika. Ameni. Oh, mukwesu! Ne konzya kubamba oonse kubona ceeco. Mwabona? Ikuti na wakonzya kubona kuti ncinzi, Mbuumi buli muli nduwe. Mwabona, obo Bulowa bula kuzibya a Mbubo. Calo Ncitondezyo. I . . . Ino ncinzi, Bulowa bwakatililwa nduwe, wa zumina; nkabela Buumi bwasika muli nduwe. Uli jisi Citondezyo, oyo Muuya Uusalala.

¹³⁵ Mpawo cindi twa paila, weeleded kuba a Citondezyo cakupa antomwe a mipailo yesu, mbuli Mbwe amba, alimwi lino kusyoma kwesa a kubikka Citondezyo ku mukwasyi onse, mbuli mu Egepita, Jeriko, na amu Ncito 16:31. Tu jana kuti Paulo wa kaambila musunguli muna Roma, kuti, “Kosyoma, abe ng’anda yako boonse bayo futulwa.” Ko Ci bikka ku mukwasyi wako. Ikuti na ujisi mwana uutana kufutuka, kobikka Citondezyo mpoonya atala lyakwe, akwaamba, “Mwami Leza, Nda mutaminina.” Kkala awa ncobeni. Ikuti na ujisi banyoko na umwi uyandwa usweekede, kobikka eco Citondezyo ali mbabo, akwaamba, “Mwami Leza, Nda citaminina.”

¹³⁶ Kogwisya, oonse mankwishita aanyika, kuzwa mu ng'anda yako, kolibambila kuli Ncico. Koumpa zibbudula zyako. Kosowa matafule ako aa njuka. Gwisya misanga yako yatombwe. Kolokezya kutasyoma kwako a mapepa ako aambungano mu cingungulu, oko nko zizulilwa. Ameni. Mpawo uya bulibambil. Mpawo ncinzi cakucita? Mpawo kobikka Citondezyo mu mupailo, a bumboni bwakasimpe, lusyomo lwini. Ko Ci bikka, ko Ci bikka a kaanzambwene. Cindi wabikka Citondezyo, koziba kuti wasalazigwa. "Ikuti na myoyo yesu tiitupi mulandu, nkokuti tuli jisi nkumbizyo yesu."

¹³⁷ Kufumbwa kuti nywebo nobantu kamucita zintu zilubide, mbobuti mbo muya kulomba Leza kumucitila cili conse kakuli mulizi kuti muli lubide? Ako nke kaambo tula dadalika ncobeni kutala a kudadalika kujokela. Ta ndaambi eci ku kucisa. Nda amba ceeci ku koolola, ku kululamika zintu. M buboti mbo muya kuciyaka aatala lya twe lisiya ilya Sodoma a Gomora? Amu jokele!

¹³⁸ Mabbunga a makutausi balekela bantu kucita cili coonse, a kuta subulwa, akubikka buyo mazina abo mu bbuku aku baita *eci, eco a cimbi*, kakuli ncisesemyo. Elyo cakasika kuti lusyomo ncintucimwi eco akwalo cita... kuta zibya akwalo mubuce loko kusola kuziba mbo lubede. Ba, ba jisi bulangizi, pele kutali lusyomo.

¹³⁹ Mweelede kujokela, ku, zintuzyonse zya bambululwa a kusalazigwa. Mpawo bweza Citondezyo cako, cakuti ulizi kuti ngu Jesu Kristo muli nduwe, mpawo ko Ci bikka. Ikuti na cintucimwi ta cicitika, kuli cintucimwi cilubide; kopiluka, ujisi cintu cilubide mu janza lyako. Wa ka cisymezya. Wa kali Nguwe waka cisymezya. Ko Ci bikka. Bala Baefeso 2:12, ciindicimwi, ikuti na ula yanda, akuziba omuya.

¹⁴⁰ Amubone mu Bahebrayo 9:11, ayalo. Paulo wakati, "Kubelekela Leza muumi, a malembe apona." Kutali kwamba mbuli kuti inga Nda imikila mbuli Muhebrayo mbwakali kucita, kubweza cituuzyo cakwe, akuselemukila a mugwagwa, kajisi musune mupati unenede, a kubikka maanza akwe ali nguwo a kulizibya mwini, a kutila bulowa, kujokela kalulamikidwe. Jehova waka cisesa. Wa kacicita. Mpawo nzyalani itobela, ndiza bakatontola loko aniini; muntuumwi umbi, wakatontola loko aniini. I cintu citaanzi mulizi, kaba kansiyansiya ka mukwasyi.

¹⁴¹ Obo mboyaba pentekoste kuli ndiswe, kansiyansiya ka mukwasyi. Tula selemuka, akuti, "Sa oko kutondezegwa kwa mu televizhioni tii kwali kubotu loko sunumasiku? Ndalibuzya cintu ncoba kacita kунselelo ku mbungano? Mwami Jesu, ponya...." Oh, luse! Mwabona? Walo mukwasyi kansi-... "Nywebo mulizi, Nda kaambaula mu myaambo buzuba bumwi. Ndi zulilwa *oku*, na *oko*, nywebo mulizi. Uh-huh." Oh, nkansiyansiya ka mukwasyi!

¹⁴² Sena mulizi eco Leza nca kaamba? Leza wakati, "Mafuta a bagutu banu bambelele zila nunka mu mpemo yangu. Mbo mbubo, zituuzyo zyanu zilanunka."

¹⁴³ Elyo mbubonya zituuzyo zya Pentekoste, a koonse kuzanduka a kulilemeka kumwi kwatubungwe, nkabela banakazi a baalumi besu kabacita nzila njo bacita, ciwa cabukombi; kunyanyamuna ciimbo, nkabela muntumwi wasotoka mujulu ansi aniini; nkabela kwamana koonse, mbuli bbakete lya maanzi atilwa ali ncico, ikuti na Ijwi lya Leza lya citika kuyutuka kwaamba cintucimwi. Ino ndipenzi nzi? Zituuzyo zyanu zyatalika kununka kumbele lya Jehova.

¹⁴⁴ Elyo kwaali ku ciindi eco cakuti Isaya wakasika aa cilao, a kubaambila, "Njo mupa cizibyo citeeli, nakalindu uyo mita." Mwabona, mboobo we. Kutali ziimo zifwide a buzumini bwabukombi, peepe; pele malembe apona, Leza muumi oyo wakabuka kuzwa ku bafu, a kupona akati kesu.

¹⁴⁵ Amwi abo, aya mambungano mbuli eyo, asyoma zintu ezi, ala kaka kuti kuli cintu cili obo mbuli Citondezyo. Ee, mulombwana wakasola ku ndaambila, "Citabiyo baapostolo bali kkumi ababili mbaka tambula Muuya Uusalala. Kwamana mbe bakaliko. Inzya." Oh!

¹⁴⁶ Pele swebo notu syoma Ijwi, tu zyi bwandeeni, tu zyi kuti obu Mbusyu bupona. Nkambo mbobuti mbo tuziba kuti Mbusyu bupona bwa Kristo, Muuya oyo uli akati kesu? Ula cita cintu nciconya Nca cita. Obo mbo bumboni bwabo. Ii musaansa ulazibwa ku micelo ngo izyala. Elyo mpawo ikuti na musaansa mutaanzi wakasonsa nkabela wakalemba Bbuku lya Ncito kunze lya nguwo, elyo cintu nciconya eco Jesu nca kacita, baapostolo ncoba kacita; nkokuti cindi musaansa wasonса alubo, uyo cita cintu nciconya. Mwabona, Bahebrayo 13:8 yaamba kuti Ngu mbobuca, oh, ma, tondezya kuti Leza waka Mu busya nkambo ka ndiswe, kweendelana ku Ijwi Lyakwe lyaka syomezegwa. [Kabeela katakwe cintu aa teepu—Mul.]

¹⁴⁷ Ii caando ca cisymezyo! Baefeso 4:30 ilati, "Muta penzyi Muuya Uusalala wa Leza, kuli nguwo mwa kaandwa kusikila ku buzuba bwa lununuko lwanu." Kutali kusikila ku lubukulusyo lutobela. "Kusikila buzuba bwa lununuko lwanu!" Mu kubbizigwa muli Nguwo, kweendelana ku Bakorinto Bataanzi 12. Alimwi muli Nguwe kuli buzule, alimwi taakwe cibi citwelukwa muli Nguwe. "Oyo wakazyalwa kwa Leza, ta citi cibi. I lunyungu lwa Leza ula kkalila muli nguwe, alimwi ta konzyi kubisya." Mbobuti walo mbwakonzya, kakuli Citondezyo nkocili? I Citondezyo ncizibyo cakuti wa katambulwa.

¹⁴⁸ Elyo, ee, yebo wati, "Ndila bisya." Ee, mpawo toka sola kuba a Citondezyo. Wabona?

¹⁴⁹ I Citondezyo ncikwabilizyo, citondezya kuti muulo waka bbadelelwa. Ikuti na Saatani wasola kucipa kuli nduwe...

Koyeeya buyo eci. Ikuti na Saatani wakupa bulwazi, na kusola ku kupa cintucimwi, ulizi cintu cakucita na? Ko mutondezya Citondezyo cako. Masimpe, bulwazi bula muuma Munakristo. Ko mutondezya Citondezyo cako, a kumutondezya kuti uli cipange ca Leza cakafulwa. "Amu mukazye dyabulosi, nkabela uyo mutantamuka." Jatilila Citondezyo ku lusyomo lwako lutaputi mu Ijwi Lyakwe lyaka syomezegwa.

¹⁵⁰ Leza ciindi cimwi wakapa cizibyo ca fulicoongi kuba citondezyo. Ndila jala. Kapa cizibyo ca fulicoongo kuba citondezyo. Ndi jisi buyo maminti atandila ku kkumi, elyo mpawo nkuba amundando wa mipailo. Walo ucili kasimpe lyoonse ku citondezyo eco. Ula cita na? [Mbunga yaamba, "Ameni."—Mul.] Walo ucicita. Yoonse eyi myaka ili zyuulu, Tana cita lomwe, ciindi comwe, kukakilwa ku citondezya. Wa kali kasimpe ku citondezyo eco, citu tondezya kuti Ngwa lyonse... alimwi taka kakilwi kuzulizya zitondezyo Zyakwe. Ta ndikwe makani ikuti na cili...

¹⁵¹ Ikuti na Jesu taka booli kwa myaka ili zyuulu zili kkumi, kono jisi Citondezyo, Uciyo Ci zwidilizya. Takukwe makani kuvula kwa zintu zicinca, a zintu zimwi zimbi, We elede kuzwidilizya eco Citondezyo. Wa kati Uyo cita. Yaa. Walo ulangila ndiswe kutoondezya Citondezyo Cakwe, ku lusyomo lwesu lwakapengwa kwa Leza, ku kakamu koonse kanguzuuzu katasyomi mu cisi a mu inyika, zisyoma kuti zitondezyo a zigambyo tazitobeli basyomi. Alimwi kuba kasimpe kuli eci Citondezyo, nkabela Cila tondezya kuti mali aa lweendo aka bbadelelwaa nkabela twa kazuminwa ku bubuke, mukuba a Buumi bwa Citondezyo mukati kesu.

¹⁵² Oyo Mulumbe ukosaula, pele Mbwini. Obo mbo tu yandikana, bwalo Mbwini. Leza kotu gwasya kuziba Bwini. "Muyo ziba Bwini, nkabela Bwini buyo mwaangulula." Nda taminina kuti Jesu Kristo ngu mbobuca nguwenya, sunu, amuya myaaka. Ndila syoma kuti Leza ulapa Muuya Uusalala mbuli Citondezyo, ndyoonya lino, kakutaninga buyo kuba kulonga, kwa i—kwa Nabwiinga kuzwa mu mbungano.

¹⁵³ Ndila syoma kuti kuli bufuba bunji kapati, a bantu baamba kuti bakaongolola, ba kaamba mu myaambo. Ndila syoma mu zintu ezyo; pele tokonzyi kuyaamina ali zeezyo. Mbobuti mbo konzya kuyaamina ali zeezyo, elyo mpawo kukaka Ijwi? Mwabona?

¹⁵⁴ I Citondezyo ndi Ijwi lyalizibya muli Nduwe, kali lipona Lini. Oyo ngu Leza kali Sikupandulula Lwakwe Mwini. Yebo toeleda kwaamba kuti, "Ee, lino kopandulula mwaambo wangu." Eco tacili ncico. Ula pandulula buumi bwako kwinda ku Ijwi. Cindi Walo abweza ijwi lyako, obo mbobede, a kuzibya Ijwi Lyakwe kwiinda omuya, takuyandikani bupanduluzi bumwi,

nko buli kale. Leza ulapandulula Lwakwe Mwini, alimwi twa kali jisi zisyomezyo ezi zya buzuba.

¹⁵⁵ Oh, Dallas, muli nkamu mbotu ya Banakristo, muta bwezwi a zintu ezi zyasunu, nzomu bona koonse, nkaambo ziyo loba. Amulizye eco Citondezyo lyoonse, amutondezye eco Citondezyo. Amubale Bbaibbele. Amuboole ku zintuzyonse. Alimwi ikuti na muuya wako ta waambi kuti “ameni” kuli Ceeco, ncibotu wa pilukila, kocinca eco nco jisi, kuba Citondezyo; ton a Ci tambula.

¹⁵⁶ Ndi lizi kuti ncintu conse cakwaamba okuno isikati limwi. Alimwi ndyoonya lino ngu foo theeti. Nciindi lino, alimwi ikuti na tula konzya kuzwa kusika faivi okuloko a mundando wa mipailo.

¹⁵⁷ Sena mula syoma kuti Jesu Kristo ulapona a kulela sunu? [Mbunga yaamba, “Ameni.”—Mul.] Sena mula syoma obo Mbwe mwaambila kuti Mbwini? [“Ameni.”] Calo Ncitondezyo, ceelelo. Ndi konzya biyo kukanana obo buli Mbwini. Ndi konzya biyo kwaambo eco Nce bona, eco Nce mvwa, eco cakayubununwa kuli ndime. Alimwi kaambo Nce wambila ceeci; kwa makumi aa zyuulu taimuzi zyuulu zya ziindi, taakwe ciindi comwe nicaka sola kukakilwa kuba kasimpe. Lino oyo weelete kuba Leza. Oyo weelete kuba Leza. Ee, sa inga Leza wapa mulimo mbuli oyo ku muntuumwi oyo wata kazi ncakali kwaambaula? [“Peepe.”] Sa inga Wa lizibya Mwini mbuli mulunguluzi okuya, elyo mpawo kunyona aku mupa Ijwi linyongene? [“Peepe.”] I mulombwana oyo Uli kaka, ngu muntu uunyongene. Alimwi Leza tanyongene. Leza ngu sikupandulula Lwakwe Mwini.

¹⁵⁸ Amutambule Citondezyo! Muta yaamini akusangana mbungano imwi na ziimo zimwi, na cili conse. Kojana Citondezyo! Ko Ci jatilila. Ncintu cilikke eco Leza nca tambula. Cindi wakuselemukila ku oora elyo, cindi caakusika ku lufu lwako, ncibotu uka jatilile eco Citondezyo kuli lwako; mukuziba kuti ku buzuba bwa kuboola Kwakwe, obo bubuke, Nda konzya kutondezya eco Citondezyo. Ta cikabi mu mubili oyu, uyo bola kumaninina; pele mu Muuya oyu, eco tacikonzyi kufwa, bwalo Mbuumi Butamani, Citondezyo cila yaama awo. Alimwi Wa kasyomezya kuti, “Njo mibusya alubo ku buzuba bwamamanino.”

¹⁵⁹ Oyo nguwenya Jesu Kristo mpali awa. Walo Mutumwa. Walo i... *Ngooyu* Mulumbe, alimwi Walo Mutumwa okuno wakuzibya Mulumbe Wakwe. Nseli Mutumwa. Walo Mutumwa, alimwi *Oyu* ngo Mulumbe. Elyo ikuti na ujisi uukazya Ceeco, mbobuti mbwa konzya kuba Mutumwa wa Mulumbe? Biyo Citondezyo nceciyo Uzibya. Ameni.

¹⁶⁰ Nda limvwa bukombi. Nda cita nconzyo. Nda limvwa mbuli kuti inga Nda uluka kuzwa ndyoonya lino, nkambo Ndili muzi Oyo Ngwe kasyoma, alimwi Nda kabona mu buumi bwangu kulizibya a Nguwe mu bubuke Bwakwe. Busyu Bwakwe mpobuli

ano. Amu Bu tambule, beenzuma, akaka amucite, kensi kwa moyo wanu.

¹⁶¹ Ndi lizi kuti toonse tula boola atala kuzunguluka cipaililo a kupaila. Oyo muzeezo wakale wa Methodisti. Taakwe niba kacita ceeco mu Bbaibbele. I Bbaibbele lyakati, "Boonse bakasyoma baka bbizigwa." Mbo mbubo. Kwiina cintu mbuli lwiiito lwaku cipaililo mu Bbaibbele. Eco ncintucimwi ncotwa kayungizya, calo cili kabotu. Kufumbwa cintu Leza ncalongezya, cili kabotu.

¹⁶² Mbuli mbo bananika tusila. Kwakanyina cintu cili boobo mu Bbaibbele. "Ba kagusya tutambala a tusila kuzwa ku mubili wa Paulo."

¹⁶³ Pele kufumbwa nzila njo yanda kucicita, ili kabotu, mu cuuno cako, ku cipaililo, kufumbwa mbo cibede. I cintu biyo, kucibikka Eco, Citondezyo kuli nduwe. Mpawo koli lingula lwako, a kulanga oyo musyobo wa buumi uzumanana, bona ikuti na Caka bikkwa na pe. Ikuti na Ta cina, mpawo siya eco neo jisi, ambali, a kupilukila, mane Citondezyo cabikkwa.

¹⁶⁴ Atu kombe. Taata Wakujulu, ndiza Nda—Nda—Nda kanana cabukwange, pele, Mwami, mbobuti mpikili mboiya kujata citakuti wakankamina kukoba? Nda lomba, Taata, kuti iyo kankaminwa kukoba mu moyo wa bantu, kutegwa baka bone kuti tacili cintu cakupamana maningi mu kutonkomeka. Takuli kuti Ndi sola kuzibya kabunga kamwi, mukowa umwi, kakamu kanguzuuzu, muntu umwi, na lwangu, na muntu umwi. Ngu Jesu Kristo. "Njo waala toonse oto tubunga antomwe," tuli cisambomwe a cisela cakkumi atumbi tumbi, kweendelana ku Ijwi Lyako. "Muvuule nyina wakale," Bbaibbele mu Ciybunuzyo 17, "wakali nyina wa umwi aumwi sibwaamu." Alimwi tiiba kakonzya kuba baalumi. Ba kali basibwaamu, nkabela boonse bakaunka mu bulo bwanyika. Elyo tula bona caka cicita, ba Pentekoste a boonse.

¹⁶⁵ Pele Jesu, Yebo ucili Jesu. Uta balekeli kuswiilila mulumbe wa mbungano; pele Mulumbe wa Kristo, Ijwi. Akube kuti Yebo ulizibye Omwini, Mwami, sunu, antomwe a basyomi. Ponya boonse baciswa. Kojatila zibi zyonse, Mwami. Nda—Nda lomba, mbuli mulanda Wako, akaka kojatila zibi zyangu, a kujatila zibi zya bantu aba. Ndila syoma, Mwami. Umwi aumwi wabo takwe kuzumbaauzya wagwasya mu milumbo, ku bbadelela i—ii mayake, alimwi babelesya mali abo, alimwi bali balo—balo—balo bacita zintuzyonse, Mwami. O Leza, Nda lomba kuti takukabi umwi wabo uciimpya, Mwami. Akube umwi aumwi.

¹⁶⁶ Nda—Nda cicita eco a kusinizya, alimwi nekuba, Mwami, weeled e kuba uusinizizye. Tu lizi, kululamika nduyandisyo. Luyandisyo ndwa kululamikwa. Elyo Nda lomba. Ako nkekaambo Wa kalulamika bantu Bako, nkaambo Wa kabayanda, alimwi cibi conse ceelede kупедва bwiinguzi.

¹⁶⁷ Elyo, Taata, Nda lomba kuti Ula jatila zibi zyesu lino, mbuli mbo tu zyaamba. Wa kaingaila kuzwa kulaale, Mwami. Nda lizibya a bantu aba ba Pentekoste, Mwami. Ndili—Ndili umwi wabo. Elyo Nda—Nda lomba, Leza, kuti Ula tu jatila toonse. Elyo kubweza bamwi aba basololi a kuba nyonena kumwi aku—aku balekela kulanga ku Kalivari omuya ciindi comwe, elyo mpawo baya kuluba makani ambo beelede kuba, mwaalu na bbishopo, na kufumbwa mbocinga caba, a kuziba kuti tatuli bantu bapati mu Bwami obu. Tonse tuli bana ba Leza. Nda lomba kuti Uyo tu gwasya lino. Kolizibya Omwini akati kesu, sunu. Twa kumbila mu Zina lyा Jesu Kristo. Ameni.

¹⁶⁸ Lino katutaninga buyo kutalika mundando wa mipailo, kwayanda kuli muntuumwi okuno uutana kuba okuno. Nse kuzyi na nduweni, pele Leza uli kuzyi. Ikuti na Nda amba Bwini, Leza acizibye, naa bwalo Mbwini na pe, eco nce cizibyo ca mbubo. Ikuti na Wa kabuka kuzwa ku bafu, Ngu mbobuca nguwenya, sunu, amuya myaaka. Wa kali muli Johane 14:12, “Oyo uusyoma,” kutali oyo uli cengeezya kusyoma. “Oyo usyoma muli Ndime, milimo eyo Nje cita uyo icita awalo.” Sa mbo mbubo?

¹⁶⁹ Umwi wakati, ““Mipati maningi uyo icita.”” Mbo mbubo. Kati, “Ee, tula kambauka Makanimabotu, ayo mapati maningi.”

¹⁷⁰ Kocita buyo zintu Nzya kacita, oko kuyo kutondezya kuli ndime, wabona, mpawo tuyu bandika zipati maningi. Nda konzya kumu tondezya zintu zipati maningi Nzyalu mukucita lino kwiinda Nzya kacita cindi Na kali aa nyika, nkabela oko takuli kukambaula buyo Makanimabotu, kumwi; oko mu zitondezyo a maleele. Kutali ciindi ca neico. Kosyoma buyo. Elyo akube kuti Leza wa Julu Oyo wakabusya Jesu Kristo kuzwa ku bafu, nkabela wa Mu tondezya awa kali muumi, kuli ndiswe, kumane myaka ili zyuulu zyobilo, kuzibya Mulumbe oyo, kuti Uli luleme. I Citondezyo ceelede kubikkwa.

¹⁷¹ Lino, nywebo nomu jisi malwazi a mapenzi, amupaile, cakusiniza buyo kwaamba kuti, “Mwami, Ndila syoma kuti Uli ‘Mupaizi Mupati ukonzya kugumwa kwinda kukulimvwa kwa kulengauka kwesu.’ Alimwi twaambilwa kuli oyu mukutausi okuno, kuti Ula ndiswe, mukubako, mpawo Ndi yanda Nduwe kubako andiswe a kulizibya Omwini.” Lino kopaila, umwi aumwi wanu.

¹⁷² Lino cili kuli Leza kwaamba cintucimwi. Ino nciindi! Oh, ma! Nda lombozya ni mwakonzya kuziba cintucimwi, nzila mbolimvwa cindi Eco casika, inyika yoonse izulilwa kuli nduwe. Ameni. Taakwe dyabulosi uyo cita cimwi, walo ncilenge cizundidwe. Mwami wangu mpali. Koonse kuli mu maanza esu. Ameni.

Akaka amubatame nconzyo. Mu teendi. Amu sitikile.

¹⁷³ Nywebo mu mawhilucceya, a zintu, muta yeeyi kuti tamukwe bugwasye. Amusyome. Nywebo—nywebo, mwa kainda mu mindando ya mipailo, nkabela kwaa kakilwa alimwi kwaa kakilwa. Ta kali mukutausi waka kukombela, wakakilwa. Lwakali lusyomo lwako, alimwi watalika kuyeeya kuti toka citi cintu. Ula syoma.

¹⁷⁴ Ngooyu, ngooyu oyu Mumuni awa, atala ly a mulindu usiya muniini ukkede kusule awa, kaimvvi a maanza akwe mbuli *boobu*. Inzya. Wali kukomba. Inzya. Sa ula ndisyoma kuba musinsimi Wakwe, na mulanda Wakwe? Nse elede kwaamba boobo, nkaambo cilembya bantu kapati. Muli jisi babotu . . .

¹⁷⁵ Ngooyu mwaalumi mukuwa, mwanakazi usiya, mbuli mbo kwakabede ku Mwami wesi a mwanakazi ku mukalo, mikowa yobilio yandeene. Wa kabalekela kuziba kuti kuli lwiindano mu mikowa. Mibala yesu taijisi cakucita a ncico. Toonse tuli . . . Inga twa pana kulonzegwa kwa bulowa. Leza wakalenga, bulowa bomwe, oonse masi.

¹⁷⁶ Yebo ujisi kuciswa mutwe, kucisa kwamutwe maningi. Mpawo ujisi mukuli ku moyo wako, oyo ngwa mwana oyo. Alimwi yebo . . . Ula penzegwa. [I mucizi wati, “Ameni.”—Mul.] Obo mbombubo. Sa obo mbwini? [“Ameni.”] Mbo mbubo.

¹⁷⁷ Oyu mulindu ukkede awo kuzwa kuli nduwe alya, uboneka kulizibya antomwe a nduwe, bali mbanyoko. [I mucizi waamba, “Ameni.”—Mul.] Mbo mbubo. [“Alumbwe Leza!”] Alimwi ujisi cintucimwi cilubide kuli nguwe.

¹⁷⁸ Sena ula ndisyoma, omulindu? [I banyina baamba, “Ameni.”—Mul.] Ula cita na? Ipenzi lyako nku cisa ku lubazu lwako. Mbo mbubo. Ndubazu lwako lwalulyo lucisa. Sa mbo mbubo? Tambika janza lyako, ikuti kuli luzi. Taku kakupenzyi limbi. Ula syoma (ikuti) Leza inga wa ndaambila kuti nduweni? Muka. Lowell. [“Ameni.”] Kuliluleme. [“Ameni.”] Ncibotu, koya mulweendo lwako, Mwami Jesu wakupa nkumbizyo yako.

¹⁷⁹ Nkoonya kuzwa ku mamanino kuli mulindu umbi muniini usiya uukkede, kalanga, kuti mbuli buyo—buyo ku muzapaula. Walo ulangide nkoonya kuli ndime. Ula cisyoma. Kuti, sa tamu cibwene eco Cintu nkoonya okuya munsi lyakwe? Walo uciswa penzi lya nsa. Mbo mbubo. Ly a mana lino; Wa kuponya. Ameni.

¹⁸⁰ Nkaambonzi tamu syomi? “Ikuti na mwakonzya kusyoma, zintu zyoonse zila konzeka.” Sena mula syoma obo? [Mbunga yaamba, “Ameni.”—Mul.] Ngooyu . . . Amulange bantu basiya! Luli kuli lusyomo lwanu, nobantu bakuwa?

¹⁸¹ Ngooyu mulindu usiya ukkede mpoonya awa, ulangide nkoonya kuli ndime, ubaanga mulindu uzuunyene. Walo ujisi penzi ku gondo lyakwe. Walo ujisi penzi akwalo, walo ujisi penzi lya moyo. Inzya. Alimwi ujisi kukompama, kuuma kutakkalikili a zintu mbuli ezyo, kapati cindi nosola kulala, kufundilila. Mwabona? Eco cakacitika busiku bwainda. Amuyeeye, Nse

bali mizeezo, pele Ndi lizi nco kombela. Wali kuyandwa kwiiitwa kuli ceecei, sunu, nkabela Wa kuvviila. Lino akwalo tokonzyi kunyamuka kabotu, nkaambo ujisi coondamazwi. Obo mbombubo. Elyo mpawo, cintu cimbi, ujisi penzi lya mwida, cili ncikoto mwida. Obo mbwini. Lino sena ula ndisyoma kuba musinsimi Wakwe? Ndila caamba, nekuba. Syoma, nkabela uyooba kabotu.

¹⁸² Ino kujatikizya penzi lya mwida *mwako*? Sena ula syoma kuti Leza ula ponya penzi lyako lya mwida, nokkede awo, ayebo? Sena ula cisyoma? Ncibotu, nkokuti inga watambula kuponesegwa kwa mwida mwako. Ameni.

¹⁸³ Uyanda kuleka kufweba, awo, omulindu? Ula syoma na kuti Leza uyo kubamba kuleka kufweba? Kali kusoleka kwa ciindi cilamfu. Yebo ujisi penzi lya mwida, ayebo; kali kusoleka kuleka misanga ya tombwe. Eco ncecipa penzi lyako lya mwida. Sa ula ileka? Nda kukazya kuzwe kuli nduwe, mu Zina lya Jesu Kristo, nkaambo ka lusyomo lwako lwa Mu guma.

Nda muzundikizya kusyoma Leza!

¹⁸⁴ Ngooyu mwanakazi muniini ukkede alya kapailila nguwe... muntu muyandwa mu cibbadela, ulimukufwa, ku kkulenge. Yaa. Ngu aisha. Mbo mbubo. Yebo uli na... Uli mukaintu wa mukutausi. Kosyoma a moyo wako oonse, mwaalumi uyooba kabotu.

¹⁸⁵ Nda muzundikizya kusyoma Leza! Ino eco niinzi? I kulizibya, oyo Jesu Kristo. Nywebo mwati, "Niinzi Kristo?"

¹⁸⁶ Walo ndi Ijwi. "Ku matalikilo lyakali Ijwi, Ijwi lyakali antomwe a Leza. Elyo Ijwi lyakaba mu mubili wabuntu a kukkanla akati kesu." "I Ijwi lila bosya kwiinda cceba lya mabemba obilo, sikutweluka wa miyeeyo a makanze aa moyo." Sa tamu konzyi kubona Ijwi lyakasika akati kesu ku mazuba akumamanino? Walo Muuya Uusalala kaubweza Ijwi lya Leza akuzibya Jesu Kristo, uuli Ncitondezyo. Ameni. Sena mula syoma? [Mbunga yaamba, "Ameni."—Mul.]

¹⁸⁷ Mbangaye bajisi makkadi aampipailo? Amulekele boonse ku lubazu *olu* abo bajisi makkadi aampipailo, baimikili mu mundando oyu abusena *awa*. Amwimikile buyo, nyoonse ku lubazu *olo*, lubazu *olo* buyo kwiimikila awa mu kazila. Peepe, a kazila buyo kaku janza lyalulyo, akaka, mpoonya awa. Bamaasha, amubweze busena bwanu. Mpawo cindi ba manizya, lekela bamwi kwiimikila, bamana kwiindamo, mpawo kupindamuka a lubazu lumbi. Lino oonse abatame.

¹⁸⁸ I Muuya Uusalala atala lya muswaangano, aboobo kwali kunji kwaambwa a kucitwa kutondezya. Mbangaye basyoma kuti Mpali ano? Mbangaye basyoma kuti eco Ncitondezyo? Mbangaye basyoma kuti ndi Ijwi? [Mbunga yatalika kutangala—Mul.] Amulange, mbangaye bazi kuti Bbuku lya Bahebrayo lya, kati "I Ijwi lya Leza lila tweluka

miyeeyo eyo ili mu moyo”? Mbangaye bazi obo? Mbangaye bazi kuti ako kakali kaambo Jesu ncakali kukonzya kutweluka miyeeyo mu moyo wa bantu, nkaambo Wa kali Ijwi? Mbangaye basyoma obo? Mbangaye basyoma kuti eelyo ndelyakali a basinsimi? Ba kali mbabo Ijwi nkolya kasikila. Lino ikuti na Ijwi lyabweeda kuli ndiswe, sena Tali kaciti mbubonya? Mpawo mbobuti Ijwi mboli konzya kuzibya Ijwi, ku lubila kwinda ku Ijwi? Oh, luse! Kubatama!

¹⁸⁹ Heyi, oyu mulindu ukkede awa, ujisi cintucimwi ku moyo wakwe, awalo. Nda citika buyo kunyona a ku cijata. Sa toli Muka. Grant? Nse kuzibide. Pele nduwe Muka. Grant, nkaambo Nda kubona a ncico. Ujisi kulibiliika ku kupenzya. Ujisi, mwana wako ujisi cintucimwii cimbi...bulowa bwakwe, mbuli, kusweka. Nda kuzundikizya ku cisyoma! Amen. Ngu Simalela wa ciimo. Ngu Simalela wa lufu.

Atu kombe.

¹⁹⁰ Mwami Jesu, kuciindi Busyu Bwako nobu ndinanika, omuno mu buyake, alimwi tula tweluka kuti oyu Muuya Uusalala, Nda lomba, Mwami, kuti Uyo ponya muntu onse oyo utikasame tutambala otu.

¹⁹¹ Ciindi cimwi, twa kayisigwa mu Bbaibblee kuti bantu Bako, moonya mu bulizi bwa mulimo, bakali kuzabuka Lwizi Lusalala, elyo lwizi lwaka sinkila nzila yabo, mu lweendo lwabo kuya ku nyika ya cisyomezyo. Leza walanga ansi kwinda muli oyo Musumpululu wa Mulilo, a meso makali, nkabela lwizi lwa kayoowa, lwakapumbulika kujoka, nkabela Israyeli yaka zumana kuya ku nyika ya cisyomezyo, moonya mu bulizi bwa mulimo.

¹⁹² O Mwami Leza, lekela meso Ako alange kwinda mu Bulowa bwa Jesu Kristo, ansi muli eci Citondezyo awa no tujatilide ku tutambala otu sunu. Alimwi akube kuti onse muntu usama aka, akube kuti kuciswa kuyoowe, akube kuti kujokele akulekela bantu Bako kuzabuka kuya ku cisyomezyo ca nseba mbotu. “I mupailo wa lusyomo uyo vuna mulwazi.” Mu Zina lya Jesu Kristo, akube boobo. Ameni.

¹⁹³ Mbangaye bakambausi ba Methodisti basyoma bali waano, bakambausi ba Baptisti, bakambausi ba Presbyteria, bakambausi ba Baptisti, Lutherani, naba Pentekoste? Mbangaye basyoma Obu kuba Bwini? Amuboole okuno a kwimikila kumbali lyangu kuciindi notu kombela baciswa mpawo. Amuboole atala awa, nyoonse nobakambausi nomu syoma.

¹⁹⁴ Kuli kabotu, embo na? Mukwesu Grant, oko kuli kabotu na? [Mukwesu Grant waamba, “Masimpe.”—Mul.] Uh-huh.

¹⁹⁵ Koselemukila awa, mukwesu. Mukwesu Grant uli jisi mulimo wa kukombela baciswa. Ii mwaalumi sicamba, mwaalumi mubotu, mwaalumi oyo Leza ngwa swiilila a kwiingula mupailo wa, Mukwesu Grant. Ndili kkomene ku

mugwambatila sunu akwaamba ceeco, a mukwesu wangu. Lino uli mukuselemuka awa kuyo komba andime.

¹⁹⁶ Cindi mwainda mu mundando oyu, mbuli buyo mbo mwali kuboola kunsi lya ciingano. Bakwesu, amupange mundando wabubili mpoonya awa, mpoonya awa. Amupange mundando wabubili; bamwi atala awa, bamwi ansi awo.

¹⁹⁷ Mukwesu Roy Borders, uli kuli? Mukwesu Roy Borders, Ndali kuyeeya kuti nkoli okuno. [Umwii waamba, “Kwayanda uli kusule.”—Mul.]

¹⁹⁸ Amulange awa, ku bakutausi, inga mwacita! Amulange okuya. Eco cindibamba kulimvwa kabotu, bakwesu. Bakutausi ba ciingano, baalumi abo baimvwi atala awa ku kulizibya beni a Mulumbe. Cinzi cikonzya kucitika?

¹⁹⁹ Lino, amulange, muta cibikki aa bakutausi lino. Ba boola kulizibya beni. Cindi wainda awa, kolizi-... jatilila Citondezyo kumbele lyako, “Mwami Jesu, Nda zyaamba zibi zyangu. Mu kujosya, Wa ndipa lubbizyo lwa Muuya Uusalala. Ndi cipange cakaulwa. Cibi, kucitwa na taakwe cikonzya kundi kasya kuzwida awa. Ndiya bweenda ncobeni.” Jatilila eco, oh, kumbele lyako, a kwiinda awa, elyo Leza uyo kuponya nkabela uyo zwa awa kosekelela, kukkomana, a kuba kabotu. Sena mula cisyoma? [Mbunga yaamba, “Ameni.”—Mul.]

²⁰⁰ Lino muntu aumwi omuno, atu kotamike mitwe yesu, bakwesu, kuciindi antoomwe. Ta tuzyi eco ciya kucitika. Ta tuzyi buya. Takukwe kaambo kamwi ka muntu umwi ucisidwe kusiya obu buyake masikati aya. Jatilila eco Citondezyo mu moyo wako, koinda moonya mu mundando oyu wa mipailo; oko bakutausi, abo bakasalazyu maumi abo ku—ku mulimo, bayo imikila awa, kaba bikka maanza ali ndinywe mbuli mbo mwiinda.

Nywebo mwati, “Nkaambonzi wacita ceeco, Mukwesu Branham?”

²⁰¹ Ndi yanda ndinywe, yoonse, kuziba kuti buyo... Nseli musilisi. Aba baalumi bali jisi nguzu mbubonya zya kukombela baciswa mbuli umwi umbi. Cakasimpe, Ndila syoma kuti Leza uyo ingula mipailo yabo Ka taninga kuli wangu. Nda katala a kudekela, a zintuzyonse. Ndila—Ndila syoma kuti Uyo ingula mipailo yabo. Elyo mbaaba baimikila mpoonya akati ka ncico, ku kulizibya beni, kutausa nsoni kubweza busena bwabo. Ndila balumba bantu bali mbuli baabo.

²⁰² Lino, bakwesu, Ndili zyi kulimvwa kwanu. Ndili, Ndili umwi antomwe a ndinywe. Ndili umwi wakaluka kanyandi kangu antomwe andinywe, okuno ku Texas, ku kusola kujata imwi aimwi nswi eyo Leza nja kasalilia Buumi, kubusena okuya. Ndili mukucita mboonya bubotu bwangu. Ndili andinywe, cakumaninina. Ziindizimwi Ndila bwekela a koongola kujatikizya kabunga a zintu. Eco ta caambi kuti Ndila kulwana, mukwesu wangu. Nda amba kuti Ndi lwana

ciyanza eco citupambula kuzwa kukuba babunyina, nkaambo ka njiisyo imwi ya bukombi. Tuli babunyina ku lubbizo lwa Muuya Uusalala. Tu jatilide Citondezyo comwe. Twa katambula Bulowa bomwe, aboobo atu cisyome eco. Inga twa yaana Okuya (embo na?), bakwesu, umwi aumwi wesu kunsi lya Bulowa.

²⁰³ Lino Nda kananikwa nkeli muna Baptisti. Kwayanda uli muna Methodisti, na Lutherani, na Presbyteria, Pentekoste, Wabumwi, Wabubili, Wabutatu, na kufumbwa njo jisi, Mbungano ya Leza, kufumbwa mboibede. Eco ta cibambi lwandaano lumwi. Ta tukonzyi kuzuminana aa tuntu tuniini, atu tulube mpawo.

²⁰⁴ Cintucimwi nco tukonzya kuzuminana, kuti Jesu Kristo Mufutuli wesi wakafwida zibi zyesu, wakabuka alubo a kutupa Citondezyo. Tu liimvwi awa a mipailo yesu, ku kujatilila ku bakwesu a bacizi aba bacisidwe bainda mu mundando oyu. Ndiyo cisyoma a moyo wangu oonse.

²⁰⁵ Nda bona cintucimwi cactika cakufwambana mpawo. Ameni. Ndi lizi muyeeya kuti Ndili nyongene, pele Ndi limvwa kabotu kunyongana. Ndi langila buyo kuti inga Nda kkala boobu. Iiyi, munene. Ndili mvwa buyo kabotuloko munzila eyi.

Atu kombe.

²⁰⁶ Mwami Jesu, Nde enda kuzwa aa cibumbili eci, anselelo awa, ku kulizibya lwangu a bakwesu aba. Ndali lizibya lwanga a mbabo, toonse mbuli mbo tu jatilila Zitondezeyo zyesu mu maanza esu, a mu myoyo yesu. Mbuli mbo tu swiilila kulailila Kwako, “kubikka maanza aa balwazi, nkabela bayo pona.” Akube kuti muntu aumwi kwiinda awa, atondezye Citondezyo cakwe, kuti batambula Muuya Uusalala, kuti mwana wa Leza wakazyalululwa, kuti wa cisyoma a moyo wakwe oonse. Alimwi mbuli mbo bainda, akube kuti basinganye bulwazi a kupenzegwa kwa mubili wabo. Alimwi akube kuti bazwa okuno kabasekelela, mu kuziba kuti lusyomo lwabo lwa baponya.

²⁰⁷ Elyo, Mwami Leza, mbuli mbo tubikka, Cizuminano Cakale, maanza esu aa cituuzyo, ku kulizibya lwesu a cituuzyo, twa bikka maanza ali Jesu a kulizibya lwesu a Nguwe. Wa kabikka maanza Akwe ali ndiswe lino mu mulimo, kulizibya Mwini andiswe, kwinda ku zitondezeyo a zigambyo. Elyo twa bikka maanza esu a balwazi, ku kulizibya lwesu a mbabo, a lusyomo lwesu kalu swaangene a mbabo. Bulwazi bweelede kuunka, alimwi aci cicite mu Zina lya Jesu Kristo, mbuli mbo tuselemuka awa ku kicitambula.

Yoonse mbunga ikombe.

²⁰⁸ Roy na muntuumwi aboole awa a kwiimikila munsi lya maikrofooni eyi, a kutonkomeka mindando.

²⁰⁹ Amulange, mbuli mbo mwiinda awa lino, amusike kamusyoma, boola kupaila. Tuyo bikka biyo maanza aa balwazi.

Amuboole moonya ncobeni. Amukombe. Cindi mwainda mu mundando wa bakutausi aba; ikuti na mweendela aa zyeenzyo, amu zibikke ansi a kweenda kuzwa. Ikuti na waka jisi kkulenge, bulwazi, kwaamba, “I dokotela wakacita koonse nkwa konzya, wa kacita koonse nkwa kakonzya, nkabela wa kaamba kuti Njo fwa. Ta ndi koofwa pe. Nceeci Citondezyo cangu, Mwami. Wa kandi syomezya makumi ali ciloba. Ndila inda moonya omuno, ku cicita.” Mwabona, amucite eco. Sa mula cicita? [Mbunga yaamba, “Ameni.”—Mul.] Mu Zina lya Jesu, akube boobo. Ameni.

²¹⁰ Yaa, amulekele mundando uzwidilile. [Mukwesu Branham a bakutausi bakombela balwazi, mbuli mukwesu bwa solela mbunga mu kwiimba *Kosyoma Buyo* a nyimbo zimbi. Kabeela katakweecintu aa teepu—Mul.]

Ndila syoma!
Koonse kuzumbauzya kwangu kwazikkwa mu
Kasensa.

²¹¹ Sena mula cisyoma? [Mbunga yaamba, “Ameni.”—Mul.] Ameni. Oh, sa Tali mubotuloko? [“Ameni.”] Bamwi babo bali aa tulo otu tuvungwa a zibwezel, baimikila ncobeni a kuzwa; ba zisiya buyo kazilede alya, a kuzwa. Oh, uli oonse inga waponesegwa lino, oyo uya kucisyoma. Sena mula syoma? [“Ameni.”]

²¹² Aatupe bulile bwa, *Nda Mu Yanda*, ula cita na, mucizi; lwiimbo lwakale, “Nda Mu yanda, Nda Mu yanda kaambo . . .”? Toonse atu sumpule buyo majwi esu, a maanza esu, myoyo yesu, kuli Leza, a kwiimba, “Nda Mu yanda, Nda Mu yanda, nkaambo Wa kasaanguna kundi yanda.” Boonse lino.

Nda Mu yanda, Nda Mu yanda
Nkaambo Wa kasaanguna kundi yanda
A kuula lufutuko lwangu
Aa Kaliv- . . .

²¹³ Ii mulindu, wazwa mu whiluceya, weenda atala awa akugwasigwa ku baalum bobilo. “Nda . . .” Atu vukauzye maanza esu kuli Leza, “Nda Mu yanda!”

Nda Mu yanda
Nkaambo Wa kasaanguna kundi yanda
A kuula lufutuko lwangu
Aa Kalivari ya . . .

Atu Mu lumbaizye buyo lino, nyoонсе!

²¹⁴ Bulemu kuli Leza! Obo mbotu Ku lumba, Mwami Jesu, ku bubotu Bwako, Busyu Bwako. Oh, twa Ku lumba ku Citondezyo, Mwami. Twa kafutulwa a kuzulwa Muuya, Muuya Uusalala kuupaya mu mibili yesu lino. Obo mbotu Ku lumba kuli ceeći, Taata! Oh, mu Zina lya Jesu twa Ku lumba. Ameni. Ameni.

²¹⁵ Nyoonse amusukane maanza, akwaamba kuti, “Alumbwe Mwami!” Amusukane maanza, kwaamba, “Alumbwe Mwami! Alumbwe Mwami!” (. . . ? . . .) Ncibotu, lino, toonse antoomwe lino alubo.

Nda Mu yanda, (maanza mujulu myoyo
mujulu) Nda . . . (kocitondezya buyo kuzwa
ku moyo wako)

Nkaaambo Wa kasaanguna kundi yanda (Sa
mula mwaika?)

A kuula lufutuko lwangu
Aa cisamu ca Kalivari.

²¹⁶ Lino atu kotamike mitwe yesu cakubatama nconzyo, mbuli Mbwe pa kuswaangana lino ku Mukwesu Grant ku kumwaisya; kulumba umwi aumwi wanu. Lutaanzi, kulumba Mwami ku bubotu Bwakwe, luse Lwakwe, a kaanzambwene kuti Ndi langila kuteeti twa siya mu moyo wanu, kuti ta tuli okuno tolikke. Silutwe wesu Mupati uli akati kesu. I koongolola kwa Mwaami kuli mu cilabba. Alimwi twa lumba Mwami, ku kubona nguzu Zyakwe zipati a luse Lwakwe lupati. Elyo lino atu kotamike mitwe yesu cabulemu. Mukwesu Grant.



I CITONDEZYO TNG64-0308

(The Token)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa Munondo Isikati, Miyoba 8, 1964, ku Soul's Harbor Temple mu Dallas, Texas, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2021 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyabolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org